

萬  
歷  
會  
計  
錄

萬曆會計錄卷之三十五

漕運目錄

漕糧額數

附水次秬米徵集寄回上倉通

耗脚輕齎

席板籌架

運船官軍

官軍糧鈔

土宜

附優卹

漂沕掛欠

禁令

附侵盜私案

河漕

海運

民運

空運

督運文武官

漕糧額數

歲額肆百萬石內兌運糧叁百叁拾萬石改兌糧  
柒拾萬石

兌運糧叁百叁拾萬石內折色壹拾柒萬柒千柒  
百叁拾肆石柒斗本色叁百壹拾貳萬貳千貳  
百陸拾伍石叁斗○浙江陸拾萬石○江西肆  
拾萬石○湖廣貳拾伍萬石內折色叁萬柒千  
柒百叁拾肆石柒斗該本色米貳拾壹萬貳千  
貳百陸拾伍石叁斗○應天府壹拾萬石○蘇  
州府陸拾伍萬伍千石○松江府貳拾萬叁千

石○常州府壹拾柒萬伍千石○鎮江府  
石○宣國府叁萬石○池州府貳萬伍千石○  
廬州府壹萬石○淮安府貳萬伍千石○太平  
府壹萬柒千石○安慶府陸萬石○鳳陽府叁  
萬石○揚州府陸萬石○徐州叁萬石○山東  
貳拾捌萬石內折色柒萬石該本色米貳拾壹  
萬石○河南貳拾柒萬石內折色柒萬石該本  
色米貳拾萬石

兌運加耗米壹百柒拾伍萬壹千壹百玖拾伍石  
玖升捌合兩尖米叁拾壹萬貳千貳百貳拾陸

石伍斗叁升內輕齎銀肆拾肆萬伍千貳百伍拾柒兩柒錢伍分肆釐後通惠河成於各輕齎內扣留腳銀壹分該銀貳萬柒千壹百貳拾貳兩陸錢伍分叁釐

浙江江西湖廣每正糧壹石俱加耗米陸斗陸升兩尖米壹斗共柒斗陸升內除肆斗隨船作耗餘叁斗陸升折銀壹錢捌分謂之叁陸輕齎後通惠河成扣留腳價於叁斗陸升內扣留米貳升折銀壹分止徵叁斗肆升謂之叁肆輕齎折銀壹錢柒分該浙江耗米叁拾玖萬陸千石

尖米陸萬石輕齎銀壹拾萬捌千兩扣銀  
千兩江西耗米貳拾陸萬肆千石尖米肆萬石  
內輕齎銀柒萬貳千兩扣留銀肆千兩湖廣除  
折米叁萬柒千柒百叁拾肆石柒斗外該耗米  
壹拾肆萬玖拾伍石玖升捌合尖米貳萬壹千  
貳百貳拾陸石伍斗叁升內輕齎銀叁萬捌千  
貳百柒兩柒錢伍分肆釐扣留銀貳千壹百貳  
拾貳兩陸錢伍分叁釐

應天蘇州松江常州鎮江太平寧國池州廬州  
安慶每石耗米伍斗陸升尖米壹斗共陸斗陸

升內除肆斗隨船作耗餘貳斗陸升折銀壹錢  
叁分謂之貳陸輕齋內扣留米貳升折銀壹分  
止徵貳斗肆升謂之貳肆輕齋折銀壹錢貳分  
該應天府耗米伍萬陸千石尖米壹萬石輕齋  
銀壹萬叁千兩扣留銀壹千兩蘇州府耗米叁  
拾陸萬陸千捌百石尖米陸萬伍千伍百石內  
輕齋銀捌萬伍千壹百伍拾兩扣留銀陸千伍  
百伍拾兩松江府耗米壹拾壹萬叁千陸百捌  
拾石尖米貳萬叁百石內輕齋銀貳萬陸千叁  
百玖拾兩扣留銀貳千叁拾兩常州府耗米玖



萬捌千石尖米壹萬柒千伍百石內輕齋銀壹萬貳千柒百伍拾兩扣留銀壹千柒百伍拾兩  
鎮江府耗米肆萬肆千捌百石尖米捌千石內輕齋銀壹萬肆百兩扣留銀捌百兩寧國府耗米壹萬陸千捌百石尖米叁千石內輕齋銀叁千玖百兩扣留銀叁百兩池州府耗米壹萬陸千石尖米貳千伍百石內輕齋銀叁千貳百兩  
拾兩扣留銀貳百伍拾兩廬州府耗米伍千陸百石尖米壹千石內輕齋銀壹千叁百兩扣留銀壹百兩太平府耗米玖千伍百貳拾石尖米

壹千柒百石內輕齎銀貳千貳百壹拾兩扣  
銀壹百柒拾兩安慶府耗米叁萬叁千陸百石  
尖米陸千石內輕齎銀柒千捌百兩扣留銀陸  
百兩

鳳陽淮安揚州各府徐州壹州每石俱耗米肆  
斗陸升尖米壹斗共伍斗陸升內除叁斗隨船  
作耗餘貳斗陸升亦謂之貳陸輕齎後改為貳  
肆并扣留銀與應天等府相同該鳳陽府耗米  
壹萬叁千捌百石尖米叁千石內輕齎銀叁千  
玖百兩扣留銀叁百兩淮安府耗米壹萬叁千

伍百石尖米貳千伍百石內輕齎銀叁千貳  
伍拾兩扣留銀貳百伍拾兩揚州府耗米貳萬  
柒千陸百石尖米陸千石內輕齎銀柒千捌百  
兩扣留銀陸百兩徐州耗米壹萬貳千叁百石  
尖米叁千石內輕齎銀叁千壹百伍拾兩扣留  
銀叁百兩

山東河南每石俱加耗米叁斗壹升尖米壹斗  
共肆斗壹升內除貳斗伍升隨船作耗餘壹斗  
陸升折銀捌分謂之壹貳輕齎俱無扣留該山  
東耗米陸萬伍千壹百石尖米貳萬壹千石內

輕齎銀壹萬陸千捌百兩河南耗米陸萬貳千石尖米貳萬石內輕齎銀壹萬陸千兩以上耗米俱平斛收受尖米即於正糧內加兩尖收受其輕齎銀兩以拾分為率徵完付運船通解至淮內將叁分給與船上應用仍將柒分領解至通倉給作雇車船脚等項之用若有餘剩仍均作叁分將壹分貯太倉候解淮修船貳分給軍回南其扣留壹分銀解貯太倉

盤剝折銀米○河南每石再加耗米叁升折銀壹分伍釐隨糧給軍以資衛河盤剝山東東

府屬觀城朝城莘縣冠縣在小灘交兌者或  
加耗米叁升折銀給軍與河南同

過湖米○九江府每石徵過湖米柒升通給運  
軍作過湖脚耗及添置什物修船之用其饒州  
廣信建昌鉛山撫州伍所赴進賢水次兌本省  
糧米每石亦徵肆升折銀壹分貳釐於布政司  
庫貯過湖米內支給南昌袁州贛州叁衛吉安  
安福永新叁所過湖米無

脚米○江北叁總并南京浙江下江等總水  
領兌軍船每石原徵脚米壹斗叁升後蠲免柒

升其陸升仍折銀兩給發運官同有司委官買辦物料修船并置備什物之用鎮江廬州貳衛兌本府糧米亦加脚米陸升其江寧上元江浦六合句容伍縣原徵脚米柒升近減壹升將叁升量給船戶叁升給軍盤剥修船

改兌糧柒拾萬石原坐淮徐臨德肆倉係民運納軍赴倉領運至京通貳倉成化拾壹等年照兌運事例令軍徑赴水次領兌

淮安府常盈倉○江西壹拾柒萬石○應天府貳萬捌千石○蘇州府肆萬貳千石○松江府

貳萬玖千玖百伍拾石○廣德州捌千石○

江府壹萬石○淮安府壹萬壹百伍拾石

徐州廣運倉○浙江叁萬石○揚州府叁萬柒

千石○鳳陽府叁萬叁百石○徐州壹萬捌千

石○鎮江府壹萬貳千石○淮安府陸萬玖千

石

臨清廣積倉○山東貳萬陸百石○河南伍萬

石

德州德州倉○山東柒萬伍千石○河南陸萬

石

改兌加耗米貳拾萬肆千玖百叁拾柒石伍斗

浙江江西每石俱加耗米肆斗貳升浙江壹萬

貳千陸百石江西柒萬壹千肆百石將肆斗作

耗將貳升折銀壹分給軍尖米輕齋俱無

應天蘇州松江鎮江廣德每石俱叁斗貳升應

天府捌千玖百陸拾石蘇州府壹萬叁千肆百

肆拾石松江府玖千伍百捌拾肆石鎮江府柒

千肆拾石廣德州貳千伍百陸拾石將叁斗作

耗貳升折銀壹分給軍尖米輕齋俱無

鳳陽淮安揚州每石俱貳斗柒升鳳陽府捌千



壹百捌拾壹石淮安府貳萬壹千叁百柒拾石  
伍斗揚州府玖千玖百玖拾石將貳斗伍升作  
耗貳升折銀壹分給軍尖米輕齎俱無

徐州每石貳斗貳升俱本色該米肆千捌百陸  
拾石折銀及尖米輕齎俱無

山東河南每石壹斗柒升俱本色山東壹萬陸  
千貳百拾貳石河南壹萬捌千柒百石折銀及  
尖米輕齎俱無以上如有不敷完糧於本總屬  
下各衛所兌運輕齎銀內它貼應用  
支運米陸千肆萬肆千捌拾叁石叁斗

天津倉本色米陸萬石

薊州倉本色米拾萬石折色米壹拾肆萬石均

派河南山東各柒萬石內貳萬石折銀陸錢伍

萬石折銀捌錢即上兌運內數嘉靖肆拾肆年將折色糧內分

將本色糧內以除伍萬石歸通倉

密雲鎮米壹拾伍萬肆千捌百壹拾石捌斗原定

米拾萬肆千捌百壹拾石捌斗萬曆元年加撥伍萬石

昌平鎮米壹拾捌萬玖千貳百柒拾貳石伍斗

原定米叁萬玖千貳百柒拾貳石伍斗萬曆元年加撥拾伍萬石

預備米壹拾玖萬肆千肆百石收貯臨德貳倉係

肆百萬石額外之數聽備災傷補運

臨清廣積倉山東秋糧米叁萬肆千肆百石夏  
稅麥折米貳萬石河南陸萬石

德州德州倉山東夏稅麥折米陸萬石嘉靖叁  
拾玖年於內撥伍千捌百石上天津倉○河南  
貳萬石○凡遇災傷府分應納漕糧停免就於  
隣近府分照數轉補候成熟照數徵還如各有  
災傷無處轉補就於貳倉貯備米內支運務要  
不失肆百萬石額數

沿革事例

洪武伍年

命靖海侯吳禎率舟師海運以餉遼東歲柒拾萬石

此時未有漕運

永樂元年令於淮安用船可載叁百石以上者運

糧入淮河沙河至陳州潁岐口跌坡下用淺船

可載貳百石以上者運至跌坡上別以大船載

入黃河至八柳樹等處令河南車夫運赴衛河

轉輸北京

此河運無用水陸

○又令江南民糧悉運赴

太倉州於平江劉家港用海船遶出登萊大洋

以達直沽歲陸拾萬壹千貳百叁拾石

貳年令海運糧至直沽用三板划船運至通州  
交卸又以水道閣淺遲悞海船回還令於小直  
沽起蓋蘆囤貳百捌座約收糧壹拾萬肆千石  
河西務起蓋倉囤壹百陸拾間約收糧壹拾肆  
萬伍千石轉運北京

伍年令山東量起夫車將濟南府并濟寧州倉  
糧運送德州倉候衛河船接運

民運

陸年令海運船運糧捌拾萬石於京師其會通  
河衛河以淺河船相兼轉運

此河海  
兼運

拾貳年令州府造淺船貳千隻歲終淮安倉支  
糧往會通河運赴北京其舊納太倉州糧悉改  
納淮安倉收貯○又令北京山東河南

中都直隸徐州等衛俱選官軍運糧

此漕運

拾叁年以工部尚書宋禮奏罷海道令嘉湖杭  
州蘇松常鎮原坐太倉海運糧改並陸運赴淮  
安倉又於揚州鳳陽淮安歲定撥陸拾萬石徐  
州并山東兗州府歲定撥叁拾萬石俱運赴濟  
寧倉令淺船於會通河以叁千隻支淮安倉糧  
運至濟寧以貳千隻支濟寧倉糧運至通州每

歲通運肆次其天津通州等衛各撥官軍於通州倉接運至北京○又令浙江都司并直隸衛所官軍於淮安運糧至徐州京衛官軍於徐州運糧至德州各置倉收囤山東河南官軍於德州運糧至通州交收

拾陸年令浙江湖廣江西并直隸蘇松常鎮等府秋糧坐撥貳百伍拾萬石令糧里人戶自備船隻運赴通州河西務等處上倉

此仍民運

宣德貳年令浙江江西湖廣并直隸蘇松等府起運淮安徐州倉糧撥民運赴通州倉其運糧軍

士於淮安南京倉支運

此軍民並  
運之始

肆年令浙江湖廣江西民運糧壹百伍拾萬石  
貯淮安倉蘇州松江寧國池州廬州安慶廣德  
民運糧貳百柒拾肆萬石貯徐州倉應天鎮江  
常州太平淮安揚州鳳陽及滁和貳州民運糧  
貳百貳拾萬石貯臨清倉令官軍支運每上糧  
民船淮安拾抽其壹徐州拾叁抽壹臨清拾伍  
抽壹給與官軍無舊船運載山東河南北直隸  
府州縣糧徑赴北京

伍年令江南民糧允撥附近衛所官軍運載至



京量其遠近給與路費耗米

此名運之始

陸年令浙江江西湖廣蘇松常鎮太平等府僉撥民丁及軍多衛所添撥軍士與見運軍通貳拾肆萬分兩班更替僱運

去年巡撫周忱平江伯陳瑄議民糧自運多失農月及官軍空船往還艱苦遂著例令民糧加給脚耗各於附近水次兌與軍運

正統元年令民糧運赴瓜淮就令揚州淮安府衛委官并該倉官攢見數交兌

陸年令各衛兌軍民糧兌完就出通關如路途

寫遠衛所於本都司出給通關填給甚合

致年令各處民糧每歲先儘本都司衛所兌運  
其有不盡者布政司坐撥該府州縣輸流運送  
於淮徐臨德等倉交收候運軍船至赴倉支運  
拾分之肆

景泰伍年刑部郎中謝麟題張秋河決要于安山  
建倉收糧雇車陸運至臨清建倉收貯今淺船  
接運至京尚書張鳳議覆每年漕糧肆百貳拾  
伍萬伍千石今從陸運計壹年止得貳百壹拾  
陸萬餘石將何以濟其安山臨清倉廩亦難卒

蓋仍令都御史徐有貞修築疏通務在不悞  
運

天順陸年尚書年富題 准凡壹州壹縣止許與  
壹衛交兌兌支不盡方許派別衛不許將壹州  
壹縣分作叁肆衛並不許將壹衛分作叁肆州  
縣及以遠派近以近派遠

成化貳年尚書楊鼎題 准鑄降鐵斛發各司府  
較造分派有司及各把總較量如有私造大斛  
大斗用強多兌者許有司具呈監兌衙門依律  
拏問

捌年定歲運漕糧肆百萬石

拾年都御史滕昭奏支運倉糧柒拾萬石原係民運赴淮徐臨德肆倉支與官軍領運原無加耗今照兌運事例隨其遠近加與耗米令各就水次改兌與軍運如兌不盡仍令民運原倉上納待各官軍支運

此改兌之始

拾柒年平江伯陳瑄題要將拾捌年支運糧米免民起運行令官軍就彼交兌本部會議暫准壹年

拾捌年本部議得肆倉支運柒拾萬石赴通倉

交納此係舊例近因各處災免數多肆倉糧木  
不穀支運之數合行陳瑄照上年改兌事例加  
耗交與官軍各就彼處領運餘剩之數仍赴原  
坐倉分交收

正德陸年本部尚書孫交覆侍郎邵寶題自柒年  
為始行漕運衙門柒月以裏各將應議事例先  
行具奏本部于捌月裏通行會議派徵以便兌  
運

宣德拾年定例每年漕運  
總兵官捌月起京議事

嘉靖肆拾年尚書高耀題 准凡勢豪大戶不赴  
官倉逼軍私兌者充軍掌印管糧官縱容遲悞

壹百石以上住俸壹年貳百石以上降貳級  
百石以上罷黜管糧司道不稽查禁處者以枉  
法論

隆慶陸年尚書王國光覆鄧御史萬恭題各處漕  
糧除舟楫通行地方近便者照舊本色赴水次  
倉廩聽兌其餘山谷深遠去處許糧戶齎銀徑  
赴水次收買照例曬揚上倉一體交兌

萬曆元年尚書王國光覆都御史王宗沐題定立  
派兌條式以道里近便為主而中間又加通融  
以盡其情如江南兌運多而江北改兌多則又

當移吳浙之船於江北如南京船料無處而江浙輕齎有餘又當派南京之船於江浙江西有過湖柒升而浙江有修船陸升則當均派壹半而造船修船始得其平兌運本輕齎帶納而改兌原無輕齎則當它貼相均而起剥起納始不獨困以疲衛附于劇縣真稍相資以重幫定于本省親臨管束仍刊刻成書凡有糧州縣有軍衛所與各司道分給永為遵守

貳年尚書王國光覆都御史王宗沐題江北南京等衛所兌江南糧米船到水次止許壹旗壹

綱隨運官赴倉領兌其餘軍士俱在本船守看  
敢有故違生事聽糧儲兵備等官拏解漕司以  
軍法重治如糧里遲悞揷和誣賴抵飾亦聽從  
重究治

水次

宣德柒年巡撫周忱題 准兌糧水次江南於瓜  
淮河南於小灘山東於濟寧各交兌

正統玖年令江西漕糧於九江水次交兌

成化柒年都御史滕昭奏罷瓜淮交兌令裏河官  
軍徑赴江南水次兌運



正德元年南京戶部主事汪鉞議定湖廣水次  
長沙漢口交兌

嘉靖拾壹年漕運衙門題定山東河南水次尚書  
許讚覆議貳省兌軍糧米先年原在小灘正德  
叁年漕臣奏移臨清玖年本部奏 准大名小  
灘水次不許移易嘉靖元年河南撫按又奏改  
回隆驛及查清隆貳處俱非適中照舊於小灘  
鎮交兌

拾玖年尚書李廷相題 准將江西具城水次  
歸併於進賢門外

萬曆元年尚書王國光覆都御史王宗沐題將湖  
廣衡永荆岳長沙漕糧原在城陵磯交兌者改  
併漢口水次

樣米

宣德拾年本部題 准各處起運京倉大小米麥  
先封乾圓潔淨樣米送部轉發各倉收候運糧  
至日比對相同方許收納

弘治拾叁年本部題 准各處兌運衙門解送樣  
米山東河南限叁月江北直隸鳳陽等處限肆  
月南京并江南等處限陸月浙江湖廣江西限

朱月各到部如有違誤先將差來人役送問承

行并管糧官吏行巡按御史究治

今議單山東河南限正月

北直隸限歲月江南直隸限冬月浙江湖廣限肆月各分頭幫解送總督衙門收候運糧到

比對收受

徵兌

成化貳拾壹年令各司府州縣并守巡管糧官將

原會兌軍糧米徵完俱限拾壹月以重運赴原

定水次倉分交兌不完者各管糧官住俸次年

正月不完者革去冠帶經該官吏管糧委官俱

解問如至拾貳月及次年正月終不完者管兌

官亦照例革去冠帶住俸若民糧已到領兌官  
軍來遲或刁蹬者領運官一體候兌完日叅問  
隆慶肆年都御史趙孔昭題尚書張守直覆

准今後漕糧定限拾月開倉拾貳月終完兌開幫如  
拾貳月終有司無糧軍衛無船管糧司道與各  
府州縣掌印管糧官及領運把總指揮千百戶  
各住俸半年違正月終限者各住俸壹年違貳  
月終限者各降貳級布政司掌印官降壹級叅  
月終不過淮者督押司道官及把總以下各降  
壹級肆月終不過洪者一體叅究

兌糧大縣船  
到限拾月小

轉船到東拾  
伍日俱完

### 寄回

弘治拾貳年奏准運糧都司衛所把總官所管  
運船俱以拾分為率若有壹半以上違限寄放  
德州等處不到倉者令漕運都御史提問降壹  
級納米完日照舊管運壹半以下者叅來提問  
正德拾叁年尚書劉璣題准運官故違期限寄  
國守凍把總至叁千石指揮至貳千石千戶至  
壹千石百戶至伍百石以上者每壹次降壹級  
若所寄不及石數者照常發落旗甲不服催贖

在途延捱者發邊衛充軍

上倉

成化捌年尚書薛遠題 准運糧至京倉北直隸

并河南山東衛所限伍月初壹日南直隸并鳳陽等衛所限柒月初壹日若過江支兌者限捌月初壹日浙江江西湖廣都司衛所限玖月初壹日其把總都指揮及領運千百戶等官違限貳拾日以上住俸戴罪償運若連叁年違限者遞降壹級貳年不違限者量加獎異叁年不違限者量加旌擢俱奏 請定奪

嘉靖叁拾柒年尚書賀應春題 准山東都司止

直衛所限叁月初壹日完納江北直隸鳳陽等  
處衛所限肆月初壹日完納南京江南直隸衛  
所限伍月初壹日完納浙江江西湖廣衛所俱  
限陸月初壹日完納違者總督衙門巡倉御史  
分別叅究罰俸降級若南京并江南直隸各衛  
所兌江浙貳省糧米江北衛所兌江南各府糧  
米領運官違限查照貳省并江南事例叅治  
過淮

萬曆元年尚書王國光題 准江北等處官軍兌

糧過淮開幫期限如有違者聽僨運等官查照  
久近分別叅治江北官軍兌本府州縣糧米者  
限拾貳月過淮南京江南直隸官軍兌應天蘇  
松等處者限正月過淮湖廣江浙總兌本省  
者限貳月過淮山東北直隸衛所官軍兌山東  
河南糧米者限正月以裏開幫如有違限聽僨  
運等官查照久近分別叅究治罪

貳年都御史王宗沐題要改復叁月終過淮限  
例尚書王國光議覆舊例叁月過淮多與黃水  
相值始議限以貳月年來未有能如期者若再



改寬壹月則彼此延捱勢所必至况近来水次  
及過淮遲悞被叅官員必俟其臨倉掛欠然後  
定罪苟完納如期即准贖罪亦未常不寬仍照  
舊限貳月為便覆奉

耗脚輕齎

宣德伍年令江南民糧免撥附近衛所官軍運載

至京量其遠近給與路費耗米

此免運加耗之始

捌年本部題准民糧加給脚耗於附近水次

免與軍運每石湖廣捌斗江浙柒斗南直隸陸

斗江北淮揚鳳陽伍斗徐州肆斗北直隸山東

河南叁斗若民自運至瓜淮免者肆斗

成化捌年都御史張敷華咨本部題

准脚價耗米照陸年折銀事例就令彼處收糧委官

折收解部聽候支用每正糧壹石脚價米玖升

此所  
未始

拾年都御史滕昭奏 准將徐淮臨德肆倉民

運糧米各就水次改兌與軍加與耗米領運

此改

免加耗  
之始

本年御史吳禔奏各倉糧斛要照先年兩平行

槩每石收耗捌升本部覆 准仍照正統拾叁

年例壹尖壹平收受

此進倉加  
耗之始

拾叁年本部題 准進倉糧米兌運每石明加

捌升支運淮安等倉糧照原例壹尖壹平為則

弘治貳年令官軍上納京通貳倉兌運者加耗陸

升改兌者加耗肆升支運并遮洋船仍舊壹石壹平收受今遮洋加耗陸升兌運改兌支運者俱同此例

玖年都御史李蕙題耗米折銀批解戶部收貯尚書葉淇覆准令漕運衙門自收計扣餘剩轉發淮安府庫收貯候運船至日查照應借衛所支給者令於次年照數還官

拾伍年本部題准江西糧米不拘兌運改兌每石加過湖米柒升

正德柒年都御史張縉題尚書孫交覆

准過江脚米江北壹斗伍升減作伍升江南

升通融增損以便民  
本年都御史張縉題尚書孫交覆

准將兌軍餘耗准令折銀照議每石定價伍錢收貯  
在官各總掌管以備到京車脚等項之費如有  
餘剩漕運衙門查收緊急缺乏通融支補

拾年本部題  
准輕齋隨正糧帶徵至今為例

輕齋數見上  
總類不刊

嘉靖捌年御史虞守愚題通惠河成免派脚價  
書梁材議覆奉

聖旨通惠河開濬本為糧運以紓軍士困苦這腳價  
還照舊派徵待一二年後你部裏再議處了來說  
欽此

拾壹年尚書許讚議 准輕齋銀兩解赴漕司  
驗兌每幫先給拾分之叁備沿途起剥支用拾  
分之柒鞘封到京會驗給散山東河南輕齋銀  
不先給薊州糧每石先給壹分以資添辦什物  
拾貳年尚書許讚題 准鑄降天平法馬給發  
各該州縣把總官如式鑄造平兌輕齋銀兩  
拾肆年都御史郭宗皋題尚書許讚覆

准輕齋銀兩以次減省扣留收解太倉銀庫除  
照舊外貳陸者減為貳肆輕齋扣留米貳升折  
銀壹分叁陸者改為叁肆輕齋扣留米貳升折  
銀壹分扣留以備修河等項之費量減以免小  
民輸納之艱

貳拾捌年尚書夏邦謨題 准江西饒州撫州  
建昌廣信鉛山伍所軍船每石加過湖米肆升  
折銀壹分貳釐

叁拾年尚書孫應奎題 准蘇州等府照依先  
年事例將米柒升有司自雇民船交與官軍裝

糧抵壩其餘米陸升仍給官軍過壩修船

叁拾貳年都御史鄭曉題本部議支運倉糧原  
無加耗每石例該補買加米壹斗以為在船在  
倉折耗之數先年上通倉每石有司徵貼脚價  
銀壹錢伍分後全撥京倉議加銀壹錢共貳錢  
伍分今河南災傷准令折銀改撥於臨德貳倉  
糧米支運補額每石議貼耗銀壹錢伍分今歲  
米貴所貼前銀不足查照倉分遠近量為均處  
每石再加銀伍分至牛欄山除舊例加耗叁升  
外加銀叁分通州倉貳分德州倉支運至薊倉



加銀叁分牛欄山除耗外加銀貳分通倉壹分  
俱於該省折銀內給應運官軍再照天津倉糧  
自臨清運至者比至通為近原議腳銀壹錢伍  
分照舊至德州運至者比自臨清為尤近原議  
腳銀壹錢伍分似為過多應扣貳分止給壹錢  
叁分以均勞逸以補前項加添之費山東漕運  
亦宜原與河南一體如兩省災傷遇有支運通  
行查照加扣庶為兩便

肆拾叁年尚書高耀題 准九江衛原扣過湖  
米叁升照數全給以為過湖添置什物修船之

用

萬曆元年尚書王國光題 准江北叅總軍船派

兌南糧原不下霸原定脚米壹斗叁升雇覓江  
船今瓜州建閘徑赴水次聽兌合蠲免柒升以  
寬民力折徵陸升以備修船并置辦什物之用  
其南京各衛通到水次原徵脚米柒升合扣免  
壹升各給脚米陸升庶事體歸一以便遵守

貳年尚書王國光題 准脚米陸升折徵銀兩

給發運官公同有司買辦物料等項及時修艚  
本年尚書王國光題 准以後輕齎銀兩沿途

起剥等項俱呈明督押叅政地方兵備及各差  
部官批給印信執照方准支銷不許該總通同  
冒破

本年尚書王國光題 准各處隨糧輕齎銀俱  
隨本幫通解漕司照例分為叁柒內將叁分給  
運官即令本幫併前後幫船互相防守其餘柒  
分選定廉幹武職解官逐幫驗稱明白各令入  
鞘類至拾萬上下裝入標船撥鴉兵叁拾名量  
給往回盤費星夜越幫前進沿河各道及有司  
官如遇船到即便撥夫輓拽率兵防護解銀

日遣倉坐糧郎中秤驗寄庫候該幫船到驗給  
運官完糧其山東河南貳省輕齎原不過淮責  
成臨清兵備呈請撫按河道衙門差官陸路起  
解有司撥夫防護增入議單永為遵守

萬曆柒年尚書張學顏題

准每年支剩輕齎等

銀取庫收呈繳其一應盤剝完糧扣省等銀應  
扣應給候運完之日京通貳糧廳各將原領查  
收查給文簿呈送總督衙門比對必與相同方  
准註銷仍查照舊規年終造冊通呈本部稽查  
銷筭其羨餘貳分給軍壹分修船銀兩通糧廳

每年運完具呈本部照例選差部屬官解漕糧  
散水為遵守

本年尚書張學顏題 准密雲通州水運至牛  
欄山支輕齋銀每石水脚銀肆分貳釐自山至  
隆慶倉每石銀肆分昌平舊額糧運渤海等倉  
從牛欄山居庸倉從沙子營新添糧水運至沙  
子營每石經紀銀叁分柒釐伍毫陸運至真靖  
倉車戶銀肆分水盛徑達安濟橋每石經紀銀  
陸分車戶銀陸釐扣省壹分壹釐伍毫

本年總督倉場尚書汪宗伊題議盤剝已盡

省羨餘肆項造冊咨部乞要轉咨漕運衙門遵  
照施行該本部酌議開款上

請奉

聖旨近來漕河無虞起剥諸費雖覺稍省然不可遽  
以為常且運軍罷困亦當寬恤這輕齎銀兩還照  
議單分為三七以三分給本幫備沿途完貼等費  
其羨餘先給回南旗軍一分餘候完掣通關之日  
查盤掛欠亦便與運官領回分給不必扣貯欵此

蓆板籌架

正統拾叁年令各處兌運民糧每貳石與新舊  
壹領支運淮安等倉糧每貳石領墊倉舊蓆壹  
領至京通貳倉每百領除損壞外上納柒拾領  
弘治貳年尚書李敏題 准地方產有竹蔑去處  
計筭兌支運米多寡該用固皮若干照數置辦  
帶携應用

伍年尚書葉淇題 准兌運改兌米隨糧蘆蓆  
本折中半兼收每糧貳石該蓆壹領收本色外  
其餘每領折銀壹分交與領運官旗赴太倉銀

庫交納

拾貳年尚書周經題 准蘆蓆壹領折米壹升  
伍合斜蓆壹領折粟米貳升

嘉靖拾貳年尚書許讚題 准蓆木則例每領折  
銀壹分如貴處折壹分貳釐兌運米貳千石該  
楞木壹根松板玖片俱納本色改兌米貳石該  
蓆壹領本折中半山東等總應納斜蓆長陸尺  
肆寸濶叁尺陸寸浙江等總應納方蓆長直俱  
肆尺捌寸

隆慶叁年尚書劉體乾題

准籌架除照例給官



積甲斗外有事故扣除并其餘俱送太倉及查  
每廩以壹萬貳千石為額如米不足額即遞減  
在官作小修倉廩工食籌架每石銀伍釐每壹  
萬貳千石該銀陸拾兩

詳見  
倉場

運船官軍

南京錦衣總把總壹員領壹拾叁衛

錦衣衛百戶叁員軍叁百肆拾壹名淺船叁拾  
陸艘領漕壹萬肆百柒拾石

府軍右衛百戶壹員軍壹百貳名淺船壹拾貳  
艘領漕叁千伍百石

神策衛千戶壹員軍壹百叁拾伍名淺船壹拾  
肆艘領漕肆千貳百叁拾伍石

金吾後衛千戶壹員軍壹百陸拾肆名淺船壹  
拾伍艘領漕肆千柒百玖拾肆石

留守左衛指揮壹員軍壹百玖拾貳名淺船  
拾叁艘領漕陸千壹百柒拾陸石

虎賁左衛指揮千戶各壹員軍貳百叁拾肆名  
淺船貳拾陸艘領漕柒千捌百石

鎮南衛指揮壹員千百戶貳員軍肆百柒拾名  
淺船伍拾艘領漕壹萬肆千捌百壹拾石

龍虎衛指揮壹員千百戶貳員軍伍百名淺船  
伍拾陸艘領漕壹萬陸千肆拾貳石肆斗

廣洋衛指揮壹員千百戶柒員軍壹千陸百柒  
拾壹名淺船壹百伍拾柒艘領漕肆萬玖千

伍百伍石陸斗柒升

龍江右衛指揮壹員千百戶捌員軍壹千玖百柒拾貳名淺船壹百捌拾伍艘領漕伍萬捌千陸百伍拾玖石陸斗

豹韜左衛指揮壹員千百戶拾貳員軍貳千叁拾叁名淺船壹百玖拾捌艘領漕陸萬貳千石

江陰衛指揮壹員千百戶柒員軍壹千壹百柒拾叁名淺船壹百壹拾玖艘領漕叁萬陸千柒百貳拾壹石

府軍衛千戶壹員軍壹百叁拾名淺船壹拾叁艘領漕肆千壹百石

南京旗手總把總壹員領壹拾叁衛

旗手衛指揮百戶各壹員軍貳百貳拾貳名淺船貳拾肆艘領漕柒千玖拾壹石

府軍左衛指揮千戶各壹員軍壹百玖拾伍名淺船壹拾玖艘領漕陸千石

羽林左衛千戶壹員軍捌拾捌名淺船玖艘領漕貳千柒百石

應天衛指揮壹員千百戶貳員軍肆百肆拾肆

名淺船肆拾肆艘領漕壹萬肆千石

橫海衛指揮壹員千百戶陸員軍壹千玖拾捌  
名淺船壹百壹拾叁艘領漕叁萬肆千捌百  
伍拾伍石叁斗叁升捌合

興武衛指揮壹員千百戶貳員軍叁百捌拾柒  
名淺船肆拾艘領漕壹萬貳千石

府軍後衛指揮壹員軍壹百肆拾捌名淺船壹  
拾伍艘領漕肆千柒百伍拾石

水軍左衛指揮壹員千百戶拾貳員軍貳千壹  
百貳拾伍名淺船貳百壹艘領漕陸萬肆千

石

龍虎左衛指揮壹員千百戶各壹員軍壹千肆  
百肆拾名淺船壹百肆拾貳艘領漕肆萬肆  
千柒百石

龍江左衛指揮壹員千百戶各壹員軍壹千肆  
百壹拾柒名淺船壹百叁拾貳艘領漕肆萬  
貳千石

水軍右衛指揮壹員千百戶柒員軍壹千壹百  
叁拾貳名淺船壹百壹拾貳艘領漕叁萬伍  
千肆百貳拾肆石伍升

金吾前衛千戶壹員軍壹百肆拾玖名淺船貳拾伍艘領漕肆千柒百伍拾石

瀋陽右衛千戶壹員軍柒拾玖名淺船捌艘領漕貳千肆百貳拾伍石

上江總把總壹員領壹拾衛

建陽衛指揮壹員千百戶拾員軍壹千叁百伍拾名淺船壹百貳拾捌艘領漕肆萬叁千伍百肆拾肆石玖斗陸升陸合

新安衛指揮壹員千百戶拾員軍壹千貳百伍拾名淺船壹百貳拾伍艘領漕叁萬捌千叁



百柒拾柒石伍斗

安慶衛指揮壹員千百戶拾員軍壹千玖百壹拾壹名淺船貳百柒拾伍艘領漕伍萬捌千陸百柒拾貳石

九江衛指揮壹員千百戶拾員軍壹千柒百壹拾陸名淺船壹百陸拾伍艘領漕伍萬貳千伍百玖拾石叁斗肆升肆合

宣州衛指揮壹員千百戶肆員軍伍百陸拾肆名淺船伍拾伍艘領漕壹萬捌千石

鷹揚衛指揮壹員千百戶貳員軍叁百柒拾肆

名淺船叁拾柒艘領漕壹萬玖百捌拾肆石  
捌斗陸升

留守右衛指揮壹員千百戶貳員軍肆百叁拾  
名淺船肆拾叁艘領漕壹萬叁千貳百肆拾  
柒石柒斗伍升

豹韜衛指揮壹員千百戶貳員軍叁百捌拾柒  
名淺船肆拾艘領漕壹萬壹千捌百石叁斗  
捌升

虎賁右衛指揮壹員千百戶貳員軍伍百玖拾  
名淺船伍拾柒艘領漕壹萬捌千壹百叁石

陸斗壹升

武德衛指揮壹員千百戶叁員軍叁百伍拾玖  
名淺船叁拾伍艘領漕壹萬玖百柒拾壹石  
伍斗玖升

下江總把總壹員領柒衛貳所

鎮江衛指揮壹員千百戶拾肆員軍貳千肆百  
壹拾捌名淺船貳百叁拾捌艘領漕柒萬柒  
千伍百貳拾伍石玖斗伍升

蘇州衛指揮壹員千百戶拾壹員軍貳千壹百  
柒拾肆名淺船壹百玖拾捌艘領漕陸萬柒

千叁百貳拾石

太倉衛指揮壹員千百戶捌員軍壹千壹百叁拾名淺船玖拾伍艘領漕叁萬叁千貳百伍拾石

鎮海衛指揮壹員千百戶拾員軍壹千壹百貳拾陸名淺船玖拾陸艘領漕叁萬叁千陸百石

驍騎右衛指揮壹員千百戶貳員軍叁百伍拾玖名淺船叁拾伍艘領漕壹萬壹千叁百柒拾伍石

羽林右衛指揮壹員千百戶貳員軍參百伍拾捌名淺船參拾陸艘領漕壹萬壹千叁百柒拾伍石

留守中衛指揮百戶各壹員軍壹百陸拾名淺船壹拾陸艘領漕伍千貳百石

嘉興所千戶壹員百戶貳員軍肆百壹拾名淺船肆拾壹艘領漕壹萬叁千伍百叁拾石

松江所千百戶各壹員軍肆百名淺船肆拾艘領漕壹萬叁千貳百石

准大總把總壹員領伍衛

淮安衛指揮壹員千百戶拾員軍貳千陸百  
名淺船貳百伍拾玖艘領漕捌萬叁千陸百  
柒拾柒石

大河衛指揮貳員千百戶拾陸員軍叁千玖百  
玖拾名淺船叁百玖拾玖艘領漕壹拾貳萬  
玖千肆百陸拾捌石肆斗伍升

泗州衛指揮貳員千百戶拾肆員軍貳千柒百  
柒拾伍名淺船貳百柒拾叁艘領漕捌萬玖  
千陸百玖拾玖石陸斗

壽州衛指揮壹員千百戶拾員軍壹千肆百玖

拾柒名淺船壹百伍拾艘領漕肆萬捌千石  
邳州衛指揮壹員千百戶拾員軍壹千伍百玖  
拾貳名淺船壹百伍拾玖艘領漕伍萬玖百  
柒拾伍石伍斗

揚州總把總壹員領陸衛肆所

揚州衛指揮貳員千百戶拾貳員軍壹千玖百  
肆拾名淺船壹百玖拾肆艘領漕陸萬伍千  
柒百捌拾石玖斗伍升

高郵衛指揮貳員千百戶捌員軍壹千伍百伍  
拾名淺船壹百伍拾伍艘領漕伍萬肆百捌

拾肆石玖斗叁升貳合

儀真衛指揮壹員千百戶伍員軍壹千壹百壹拾名淺船壹百壹拾艘領漕叁萬伍千貳百石

滁州衛指揮壹員千百戶肆員軍柒百玖拾名淺船柒拾玖艘領漕貳萬伍千貳百捌拾石

廬州衛指揮壹員千百戶拾員軍壹千陸百柒拾陸名淺船壹百陸拾柒艘領漕伍萬叁千肆百柒拾柒石柒斗伍升捌合



六安衛指揮壹員千百戶陸員軍玖百伍拾名  
淺船玖拾伍艘領漕叁萬叁百伍拾柒石玖  
斗

通州所千百戶各壹員軍叁百貳拾陸名淺船  
叁拾貳艘領漕壹萬貳百肆拾石

泰州所千百戶壹員百戶貳員軍肆百捌拾伍名  
淺船肆拾捌艘領漕壹萬伍千叁百陸拾石  
鹽城所千百戶各壹員軍貳百貳拾伍名淺船  
貳拾貳艘領漕柒千肆拾石

興化所千百戶壹員百戶貳員軍肆百玖拾柒名

淺船伍拾艘領漕壹萬陸千石

中都總把總壹員領拾衛壹所

鳳陽中衛指揮壹員千百戶拾員軍玖百捌拾  
名淺船壹百柒艘領漕叁萬肆千貳百肆石  
叁斗貳升

鳳陽右衛指揮壹員千百戶拾員軍壹千貳拾  
名淺船壹百叁艘領漕叁萬叁千捌拾石伍  
斗肆升

鳳陽衛指揮壹員千百戶玖員軍玖百陸拾陸  
名淺船壹百壹艘領漕叁萬貳千陸百叁拾

玖石陸斗柒升貳合

留守中衛指揮壹員千百戶玖員軍玖百叁名  
淺船玖拾壹艘領漕貳萬玖千玖百玖拾柒  
石捌斗伍升

留守左衛指揮壹員千百戶拾員軍壹千壹百  
壹拾玖名淺船壹百壹拾貳艘領漕叁萬伍  
千陸百捌拾石

懷遠衛指揮壹員千百戶拾員軍玖百貳拾柒  
名淺船玖拾貳艘領漕叁萬叁百貳石壹斗  
伍升

長淮衛指揮貳員千百戶拾員軍壹千柒百玖拾貳名淺船壹百伍艘領漕伍萬捌千肆百石

宿州衛指揮壹員千百戶叁員軍叁百伍拾名淺船叁拾伍艘領漕壹萬壹千貳百石

武平衛指揮壹員千百戶叁員軍肆百柒拾壹名淺船肆拾柒艘領漕壹萬伍千壹百石

潁川衛千百戶各壹員軍貳百伍拾名淺船貳拾伍艘領漕捌千石

洪塘所千百戶各壹員軍壹百玖拾柒名淺船

貳拾艘領漕陸千肆百石

浙西總把總壹員領肆衛叁所

杭州前衛指揮壹員千百戶拾員軍貳千貳百柒拾柒名淺船貳百柒艘領漕柒萬壹千捌拾叁石壹斗

杭州右衛指揮壹員千百戶拾員軍貳千肆百玖拾柒名淺船貳百貳拾柒艘領漕柒萬捌千肆百玖拾玖石叁斗肆升

紹興衛指揮壹員千百戶拾員軍貳千柒百陸拾壹名淺船貳百伍拾壹艘領漕捌萬陸千

柒百玖拾捌石捌斗叁升

海寧衛千戶壹員軍壹百叁拾貳名淺船壹拾  
貳艘領漕肆千壹百肆拾玖石柒斗肆升貳  
合

嚴州所千戶壹員百戶貳員軍壹千壹名淺船  
玖拾壹艘領漕叁萬壹千肆百陸拾捌石玖  
斗貳升

湖州所千戶壹員百戶貳員軍陸百陸拾名淺  
船陸拾艘領漕貳萬柒百肆拾捌石柒斗叁  
升

海寧所千戶壹員百戶貳員軍陸百肆拾玖名  
淺船伍拾玖艘領漕貳萬肆百貳石玖斗柒  
升

浙東總把總壹員領肆衛貳所

寧波衛指揮壹員千百戶拾員軍叁千壹百柒  
拾玖名淺船貳百捌拾玖艘領漕玖萬叁千  
陸拾柒石柒斗

台州衛指揮壹員千百戶拾壹員軍貳千捌百  
捌拾貳名淺船貳百陸拾貳艘領漕捌萬肆  
千叁百柒拾貳石捌斗

湖州衛指揮僉事千一百戶拾員軍貳千柒百玖拾肆名淺船貳百伍拾肆艘領漕捌萬壹千柒百玖拾陸石肆斗捌升

處州衛指揮僉事千一百戶拾員軍貳千玖拾名淺船壹百玖拾艘領漕陸萬壹千壹百捌拾陸石肆斗

金華所千戶壹員百戶貳員軍叁百捌拾伍名淺船叁拾伍艘領漕壹萬壹千貳百柒拾壹石貳斗捌合

衢州所千戶壹員百戶貳員軍陸百捌拾貳名



淺船陸拾貳艘領漕壹萬玖千玖百陸拾陸石壹斗

江西總把總壹員領參衛捌所

南昌衛指揮貳員千百戶拾肆員軍貳千叁百叁拾陸名淺船貳百壹拾貳艘領漕柒萬貳千玖百柒拾玖石捌斗叁升

袁州衛指揮壹員千百戶拾員軍壹千叁百捌拾肆名淺船壹百貳拾艘領漕肆萬貳千柒百捌拾柒石柒斗

贛州衛指揮壹員千百戶伍員軍陸百柒拾肆

名淺船陸拾艘領漕貳萬捌百捌拾陸石貳斗

吉安所指揮壹員千百戶肆員軍壹千壹百伍拾名淺船玖拾捌艘領漕叁萬伍千伍百壹拾玖石

安福所指揮壹員千百戶貳員軍陸百伍拾伍名淺船陸拾貳艘領漕貳萬貳百叁拾陸石捌斗玖升

永新所千百戶壹員百戶叁員軍肆百壹拾名淺船叁拾柒艘領漕壹萬貳千伍百陸拾捌石

茶斗陸升

撫州所千戶壹員百戶叁員軍茶百捌拾壹名  
淺船陸拾陸艘領漕貳萬肆千捌拾石陸斗  
建昌所千戶壹員百戶貳員軍伍百叁拾名淺  
船肆拾柒艘領漕壹萬陸千壹百玖拾石柒  
斗叁升

廣信所千戶壹員百戶叁員軍伍百陸拾叁名  
淺船伍拾壹艘領漕壹萬柒千叁百叁拾捌  
石柒斗

鉛山所千戶壹員百戶叁員軍伍百肆名淺船

共拾陸艘領漕壹萬伍千肆百伍拾玖石柒斗

饒州所千戶壹員百戶叁員軍捌百柒名淺船  
陸拾柒艘領漕貳萬肆千叁百柒拾肆石柒  
斗肆升

湖廣總把總壹員領捌衛壹所

武昌衛指揮壹員千百戶伍員軍壹千壹百玖  
拾叁名淺船壹百壹拾陸艘領漕叁萬玖千  
玖百伍拾壹石玖斗伍升

武昌左衛指揮壹員千百戶伍員軍壹千壹百

貳拾叁名淺船壹百捌艘領漕叁萬柒千壹  
百伍拾貳石陸斗

蘄州衛指揮壹員千百戶伍員軍壹千肆百伍  
名淺船壹百貳拾柒艘領漕肆萬壹千柒百  
伍拾叁石陸斗

黃州衛指揮壹員千百戶肆員軍捌百柒拾陸  
名淺船捌拾伍艘領漕貳萬捌千伍百肆拾  
貳石貳斗肆升

荊州衛指揮壹員千百戶伍員軍柒百柒拾伍  
名淺船柒拾伍艘領漕貳萬伍千陸百伍拾

參石伍斗

荊州右衛指揮壹員千百戶伍員軍柒百柒拾肆名淺船柒拾肆艘領漕貳萬伍千貳百肆拾玖石

岳州衛指揮壹員千百戶肆員軍伍百柒拾陸名淺船伍拾柒艘領漕壹萬玖千貳百柒拾柒石伍斗柒升

襄陽衛指揮壹員千百戶陸員軍柒百叁拾陸名淺船陸拾柒艘領漕貳萬叁千肆百捌拾陸石陸斗捌升

汧陽衛指揮壹員千百戶叁員軍壹千伍拾陸  
名淺船玖拾柒艘領漕貳萬捌千伍百叁拾  
伍石伍升

德安所千百戶壹員百戶叁員軍肆百貳名淺船  
叁拾捌艘領漕壹萬貳千玖百伍拾捌石玖  
斗伍升

山東總把總壹員領拾柒衛貳所

臨清衛指揮壹員千百戶拾貳員軍貳千陸百  
陸拾伍名淺船貳百陸拾伍艘領漕捌萬壹  
千捌百肆拾伍石

平山衛指揮壹員千百戶伍員軍壹千壹百陸  
名淺船壹百壹拾壹艘領漕叁萬叁千玖百  
陸拾陸石

東昌衛指揮壹員千百戶伍員軍伍百捌名淺  
船伍拾艘領漕壹萬伍千陸百壹石

濟寧衛指揮貳員千百戶捌員軍貳千叁百壹  
拾陸名淺船貳百叁拾壹艘領漕柒萬壹千  
壹百貳拾捌石叁斗捌合

任城衛指揮壹員千百戶伍員軍陸百名淺船  
陸拾艘領漕壹萬捌千肆百貳拾捌石



東平所千戶壹員百戶壹員軍參百壹拾伍名

淺船叁拾壹艘領漕玖千陸百柒拾肆石

濮州所千戶壹員百戶壹員軍貳百伍伍名

淺船貳拾伍艘領漕柒千捌百叁拾石

以上  
柒衛

所作本總  
原領之額

徐州衛指揮壹員千百戶拾肆員軍貳千伍百

壹拾陸名淺船貳百肆拾玖艘領漕柒萬柒

千貳百肆拾陸石貳斗叁升貳合

徐州左衛指揮壹員千百戶伍員軍壹千伍名

淺船壹百壹艘領漕叁萬捌百伍拾伍石伍

斗壹升

歸德衛指揮壹員千百戶伍員軍柒百陸拾捌  
名淺船柒拾柒艘領漕貳萬叁千伍百柒拾  
玖石壹斗叁升陸合

德州衛指揮壹員千百戶叁員軍伍百貳名淺  
船肆拾叁艘領漕貳萬叁千玖百伍石

德州左衛指揮壹員千百戶伍員軍伍百壹名  
淺船肆拾貳艘領漕貳萬叁千捌百伍拾柒  
石

天津衛千戶壹員軍壹百肆拾伍名淺船壹拾

貳艘領漕伍千柒百陸拾壹石

天津左衛千戶壹員軍壹百貳拾壹名淺船拾艘領漕伍千柒百陸拾壹石

天津右衛千戶壹員軍玖拾捌名淺船捌艘領漕肆千陸百陸拾陸石

通州左衛百戶壹員軍壹百叁拾叁名淺船壹拾壹艘領漕陸千叁百叁拾叁石

通州右衛百戶壹員軍玖拾玖名淺船捌艘領漕肆千柒百壹拾肆石

定邊衛千戶壹員軍捌拾伍名淺船柒艘領漕

肆千肆拾玖石

神武中衛百戶壹員軍捌拾名淺船柒艘領漕

叁千捌百壹拾壹石

以上拾貳衛係裁革  
遮洋併入本總之數

海運總隆慶陸年復開海運設把總壹員領原設  
遮洋總下淮大高揚長泗陸衛及分割揚州  
總下通州鹽城貳所下江總下鎮海太倉貳  
衛以河運額內旗軍駕新造海船貳百柒拾  
肆艘領漕壹拾貳萬石其千百戶官俱於原  
試海運及濱海衛所選用員數如前領玖衛  
所

淮安衛軍參百壹拾貳名船貳拾陸艘領漕壹

萬壹千叁百捌拾陸石捌斗伍升陸合外市糧

料軍壹百伍拾陸名

大河衛軍伍百肆名船肆拾貳艘領漕壹萬捌

千叁百玖拾肆石壹斗柒升捌合外市糧

肆拾伍名

高郵衛軍參百壹拾貳名船貳拾陸艘領漕壹

萬壹千叁百捌拾陸石捌斗伍升陸合外市糧

料軍拾壹名

長淮衛軍貳百陸拾肆名船貳拾貳艘領漕玖

千陸百叁拾伍石叁升叁合

外扣糧核計名壹百叁拾貳名

泗州衛軍叁百壹拾貳名船貳拾陸艘領漕壹

萬壹千叁百捌拾陸石捌斗伍升陸合

外扣糧核計

料軍壹百伍拾陸名

揚州衛軍伍百貳拾捌名船肆拾肆艘領漕壹

萬玖千貳百柒拾石玖升肆合

外扣糧核計軍壹百肆拾

名

鎮海衛軍叁百叁拾陸名船貳拾捌艘領漕壹

萬貳千貳百陸拾貳石柒斗陸升捌合

外扣糧核計

料軍捌拾肆名

太倉衛軍參百參拾陸名船貳拾捌艘領漕

萬貳千貳百陸拾貳石柒斗陸升捌合外扣

料軍捌拾肆名

通州所軍壹百玖拾貳名船拾陸艘領漕柒千

柒石貳斗玖升陸合外扣糧抵料軍肆拾捌名

鹽城所軍壹百玖拾貳名船拾陸艘領漕柒千

柒石貳斗玖升陸合外扣糧抵料軍肆拾捌名

遮洋總萬曆元年罷海運改復遮洋仍併入各總

下領

遮洋總原領南陸衛北拾貳衛內南陸衛淮安

大河泗州

今什入淮安總

揚州高郵

今併入揚州總

長淮

今併入中

總部

各領兌南糧北拾貳衛德州德州左天津天

津左右通州左通州右定邊神武中

今併入山東總徐

州徐州左歸德

今參衛先隸淮安總亦入山東總

下領兌北糧仍

同山東總下各輪流運薊州天津京通等倉糧

米



沿革事例

永樂貳年用官軍海運拾貳年始定官軍河運

此後

軍民無  
運不常

拾貳年令湖廣造淺船貳千餘隻於淮安各倉

支運

以前或用海船河船或抽民運  
船隻等項俱見上漕政內不載

宣德叁年奏

准各都司衛所選委指揮等官專

一提督運糧不許別項差操軍士缺即為撥補  
如有不差原選運官及軍缺不補者正官及首  
領官俱罰俸半年

伍年差給事中御史會同按察都司府衛各正

官點運糧官軍其管運官員不能撫卹以致逃故者從總兵官處治所虧糧仍令補還

本年奏准運糧官軍船隻南京中都留中

及直隸衛所於淮安修理有司給與材料

柒年令增撥南京豹韜左等衛及各都司直隸

衛所軍餘并見運官軍共壹拾陸萬餘運糧儲

玖年令運糧官軍但有軟弱事故者於見操屯

田官軍內充補

止統捌年令運糧船損壞撥附近地方產有物料辦納於清衛貳提舉司修造每處工部差官壹

員監收督造各衙門仍撥官軍蓋立廠房相  
兼匠作用工及貼辦物料

拾叁年尚書王佐題 准遮洋船叁百伍拾隻  
原係南京龍江左等衛并揚州淮安等壹拾叁  
衛官軍駕使每歲運糧由真沽以東叁汊河過  
赴林南東店等倉交納樅欄底深閘河水淺難  
行以後運糧完日仍在臨清閘下灣泊于衛河  
提舉司開支物料修艍

天順貳年總兵徐恭題尚書沈因議覆衛河通州  
淮安船廠修造船隻松木貳年小修叁年大修

伍年改造杉木叁年小修陸年大修拾年改造  
小修者軍士自備修理大修及改造者照正統  
元年事例撥支木料于各衛運糧官軍數內摘  
留在廠同清江衛河貳提舉司官匠修造仍催  
未到木料拖欠班匠應用

成化拾壹年尚書楊鼎題 准各衛所運糧旗軍  
如有逃故先儘操備守城內選補若正軍數少  
方許將殷實餘丁點轉其行月糧并賞賜不分  
在京在外俱照本衛運糧正軍之數如有捏故  
逃回者從重究治畢日仍發領運

拾陸年平江伯陳銳題尚書陳鉞覆

准將浙江湖廣蕪湖等處抽分木植大者盡送清江  
衛河提舉司細小灣曲者變賣銀兩准作腳價  
餘剩之數解部公用仍將等處抽分再行添加  
務足該造船隻價銀之數每年該兌民糧等百  
參拾萬石每石加耗米壹斗着落該把總官員  
公同營運照本地方時價賣銀解送貳提舉司  
給與官軍其有司木料價銀停止

貳拾參年議 准行提舉司自弘治元年以後  
但有該造遮洋運船照依淺船裏河木料一例

打造每隻旗軍拾名該運糧米亦照裏河軍士  
均勻分派

弘治肆年本部題 准今後逃軍隨即挨拏查有  
擅自改差者依律問擬仍發運糧衛所官員叅  
奏拏問先將首領官吏提究

拾叁年本部題 准凡運糧正軍不足於空閑  
餘丁及別項差下選補本所不敷於同衛所撥  
補本衛不敷於本總衛所撥補責限壹月之內  
補完若限外運軍不完百戶拾名以上千戶貳  
拾名以上指揮叁拾名以上各住俸督補旗軍

缺伍名以上或在中途旗甲逃拾名以上運軍貳百名以上衛所官員降級

正德伍年都御史屈直題尚書劉璣覆

准運官交糧完日務要嚴督軍人將本幫船隻督押回還其軍丁有恃頑不行上運不候交兌及雖交兌而棄船逃走者將行糧賞鈔盡追入官仍問發邊衛充軍另拘戶丁補伍

陸年左侍郎邵寶題尚書孫交覆

准申明運船號令自柒年為始壹衛必在壹幫水次雖有不同俱于儀真淮揚地方取齊漕運衙門

查照節該題 准事例行移都司衛所各于本  
衛軍器局內每船給與盔甲拾副弓箭伍副鎗  
刀伍件鐵銃伍把如有不敷衛所措置過淮之  
時差官看驗訖着令千百戶分幫于前把總指  
揮監督于後晝行夜止停泊則登岸操演率輓  
則併力相濟有警則協心防禦毋得如前錯亂  
無次不相救援以致焚劫運船回還過淮照舊  
點檢下年開船各總清查軍器更換者交盤損  
失者賠補把總指揮等官如或棄船先回查提  
問罪



拾肆年都御史臧鳳題本部覆

准運船料價每拾分為率軍辦叁分民辦柒分近來  
派徵失時以致輓運遲滯今後須行各有司出  
辦料價俱在先年拾月以裏徵完拾貳月內給  
領其該衛應辦料價亦令掌印官年前派徵給  
領先期成造庶免悞事

拾陸年奉

詔書荊州杭州蕪湖叁處抽分廠專為打造糧船成  
造供應器皿而設以省科派小民之計近來兩京  
各監局相沿具奏差人赴蕪湖廠支取杉楠等木

數多又有內官監差官中半抽分貳年有餘致將造船銀兩木料不敷支給累及運軍出利揭債缺船運糧舵悞國計今後兩京各監局合用竹木聽于內監神木廠并真定蘆溝橋等廠分支取其內官監原差抽分太監李文等詔書到日即便面京以後不許援例奏差欽此

嘉靖叁年御史徐相題尚書秦金覆

准今後輕齎餘剩銀兩暫寄通庫差官解赴淮安府交割聽漕運衙門令各該造船處所將漂流船隻次第補造俱限百兩壹隻完日查有缺船衛

所先將本衛補足方通融于本總定日給領至  
灣聽巡倉御史坐糧員外看驗印烙

拾肆年尚書梁材題 准將上運船隻原定行  
糧叁拾叁石其有損壞就將行糧存省解赴漕  
運衙門聽作小修工費如漕糧數多船隻不敷  
許令各船分載不許再支存省行糧如有船隻  
損壞不曾上運支過行糧查出將應支月糧扣  
還干礙運職徑自叅奏

貳拾年南京兵部侍郎王教題尚書李廷相覆  
准將南京戶部貯庫鹽引紙價積餘銀兩每年動支

壹千柒百肆拾捌兩兵部武庫司收貯缺官柴  
薪銀內每年動支壹千兩俱自嘉靖拾玖年為  
始聽候總督漕運差官支領造船

貳拾肆年尚書王杲題 准將軍參民柒船料  
責令有司軍衛依期徵扣捌月以裏給發興工  
如至玖月終不完者住俸半年拾月終不完者  
住俸壹年應造船隻限拾月終駕赴水次如拾  
月以裏造船不完底船不到廠管廠并押底船  
各委官住俸半年拾壹月終不完不到各住俸  
壹年拾貳月終不完不到各降貳級

參拾壹年尚書孫應奎題 准江西歲額漕糧

共伍拾柒萬石每石徵過江過湖米柒升共折銀捌分肆釐除南京軍船領兌全給外其上江湖廣衛分及江西總屬惟饒州等伍所各止給過湖米銀壹分貳釐約用銀貳萬壹千餘兩每年剩銀貳萬陸千貳百餘兩合令盡數解淮以備修造

參拾叁年尚書方鈍題 准浙江近報倭患將

杭州廠及把總官改於儀真新廠住劄

本年都御史鄭曉題江北參總無軍辦料要將

參肆輕齎扣留銀壹分免解戶部發寄淮安府  
庫聽造運船尚書方鈍議行漕司備查輕齎銀  
兩河夫用過若干存剩若干如果無軍辦料暫  
准扣留伍千貳百捌拾柒兩零權作修船之用  
參拾肆年總督侍郎廬紳咨尚書方鈍題

准將參拾叁年被水漂流剥船及見在船隻年久朽  
爛者俱照先年事例行淮安動支原扣還貯庫  
嘉靖捌年各經紀船價銀兩每隻銀叁拾伍兩  
打造叁百隻如遇糧船抵壩兩船撐夫協力搬  
運其漕糧原用口袋頭運壹拾貳萬條于貳月

造完貳運壹拾貳萬條于肆月造完每歲貳月初旬暫借太倉銀庫委官監造將各運輕齎銀兩照數扣還

叁拾捌年浙江運糧旗軍奏稱先年杭州設廠團造叁拾叁年因倭寇擾亂改於儀真尚書馬坤履准雜木出自備嚴糧米兌於浙江往迓不便行令浙江北新關設廠本部抽分主事不妨原務無理打造

本年尚書馬坤題漕運造船合用物件等項銀兩皆出自蕪湖淮安杭州叁廠并各司府出辦

各處解納既已拖延監守放支又多乾沒以致  
運船不能如數補造以後清江造船主事每季  
備造文冊要見每處各原額若干已解未解若  
干該年見造船隻并修補用過物料該銀若干  
存積若干及先年官商借用若干追過若干未  
完者作何追補季終冊報工部并漕運衙門查  
考

本年左侍郎劉大賓題 准貳陸叁陸輕齋耗  
米貳升折銀壹分自叁拾玖年起至肆拾壹年  
止借過漕司補造船隻以後年分仍照原議解



部濟邊

肆拾年漕司會議尚書高耀覆

准行漕運衙門將節年拖欠并自肆拾年以後減存  
運軍料銀於應支月糧抵扣原議照舊留淮修  
造船隻解部濟邊

肆拾肆年尚書高耀題 准貳升扣米銀兩自

肆拾伍年起至肆拾柒年止留叁年收貯淮庫  
補造船隻以後年分照舊解部濟邊

隆慶元年御史蔣機題尚書葛守禮覆

准行漕運衙門備查淺船缺數酌量料價將本年分

漕糧改折拾分之叁扣算該減存運軍叁萬叁千餘名減存行糧壹拾萬石其輕齎蓆板等銀又不啻壹拾伍萬有零將減存行糧行各該有司如數催解淮庫為造船支用

本年尚書葛守禮題 准自隆慶貳年為始將上江船廠責成九江兵備下江船廠責成蘇松兵備工部抽分主事照例隔年督催料銀辦料成造

陸年尚書張守直題 准上江總肆衛淺船俱在安慶廠打造聽新設副使提調九江衛在本

處打造聽九江道提調下江總陸衛俱在蘇州  
廠打造聽糧儲叅政提調各選委廉明府佐官  
管理原設把總等官盡行裁革

本年給事中領遵題尚書張守直覆

准淮安漕庫積貯船料賊罰每年漕司會同巡按御  
史查盤并上江下江船料銀兩巡按照例查報  
本年都御史王宗沐題尚書王國光覆

准今後運糧衛所各掌印官會同運官將各船旗甲  
逐名點選身家有力者照舊存留其貧難不堪  
及壞事屢次者盡行革退於在運軍餘或雜差

中選取殷實頂補選完開造花名長單貳紙送  
附近府州縣正官覆審相應者於單上大書審  
訖無詞不堪者即與更換用印鈐蓋掌印領運  
官各分壹紙若有不堪許運官開呈漕司案候  
後有壞事損失掌印官責賠有司另覈運官亦  
不許挾私妄害原單淮南繳報漕司淮北投天  
津兵備額繳

萬曆元年尚書王國光題 准各總額船未完暫  
准民船裝運者漕司各給執照經過鈔關驗實  
免稅

貳年都御史王宗沐題尚書王國光議覆衢州所疲甚瘵寧衛安閑已久自萬曆叁年為始將衢州所代運溫州衛淺船拾隻責令海寧衛領價每年輸千百戶壹員管領與近撥壹拾貳隻為壹幫

陸年漕運侍郎江一麟題尚書殷正茂會議淺船初造應辦隨船什物務照時估置造堅好以後應該修造年分就將各項什物分別應換應留應補若干酌量價值給與補造如鐵猫貳口價銀叁兩貳錢槽貳張價銀陸錢叁分柁壹管

價銀壹兩捌錢桅夾壹副價銀貳錢面梁壹塊  
價銀貳錢伍分俱用川桤槐木製造大桅壹根  
價銀捌兩伍錢頭桅壹根價銀壹兩叁錢俱買  
川桤可用拾年大風蓬壹扇價銀貳兩肆錢頭  
蓬壹扇價銀壹兩可用伍年仍擬叁年壹修量  
給銀肆錢伍分下箇半身纜貳根價銀肆錢起  
貓帶頭纜貳根價銀叁錢俱檣麻製造可用叁  
年第肆年再給銀柒錢另置大桅走叁繩叁掛  
價銀壹兩叁錢陸分管繩壹根價銀壹錢陸分  
頭桅走叁繩貳掛價銀柒錢貳分迎簞壹根價

銀叁錢捌分俱黃麻製造可用貳年第叁年仍  
給銀另置此項舊繩可充艎船之料即抵出銀  
壹兩叁錢玖分再添給銀壹兩貳錢叁分轉數  
買辦溜簞扒皮原非常用止宜預備大簞壹根  
價銀叁錢貳釐壹根價銀壹錢伍分扒皮貳根  
價銀伍錢

柒年太倉總督汪宗伊題查補缺船尚書張學  
顏議行漕運衙門將見運船隻中有損壞者嚴  
責糧儲各道催行該廠補造足額不許再雇民  
船及搭派本幫以致載重難行每年終備將各

總船隻數目造冊送總督衙門收候糧船至時  
照冊查對如不足額及有雇覓民船者照例參  
奏奉

聖旨是欽此

玖年漕運總督凌雲翼題議改造浙船尚書張  
學顏議得浙江漕船先因瓜州車壩故將雜木  
作底伍年壹更後因建閘得免車盤改限柒年  
壹更然所費止壹百捌兩伍錢今改楠木可用  
拾年計價亦不過壹百貳拾柒兩每隻止加壹  
拾捌兩多增叁年之用合行該省巡撫將東西



貳總漕船自萬曆玖年為始除舊船尚堪駕用  
不必毀舊易新外將損壞不堪者俱改用堅厚  
楠木如法造成造完日將監督等官職名刻記於  
上必駕運拾年以外方許另造奉

聖旨是欽此

本年漕運侍郎凌雲翼題叅江西廠打造剥船  
委官并問擬過匠作罪贖緣由尚書張學顏覆  
議原任監督叅政今陞四川按察使胡定原任  
管廠員外郎今陞管河郎中陳瑛督理欠嚴雖  
經陞任俱應量加罰治見任府同知宋純仁承

委怠玩仍當重加罰治以警將來奉

聖旨是近來法令止行於雜流卑職而姑息於科甲  
要官豈是公平正大之體這督造官胡定陳瑛雖  
已陞任還與宋純仁各罰俸半年陞任的以新俸  
扣除以後各衙門凡有查覈論叙都照這例行欽  
此

官軍糧鈔

洪武貳拾陸年以前海運官軍自叁月拾伍日  
至玖月拾伍日止每人日支口糧貳升貳拾柒  
年以後日支肆升

永樂拾叁年令運糧官軍行糧不分遠近俱支叁  
石宣德正統間增減不常今定例浙江江西湖  
廣江南直隸各衛所俱於本處倉南京各衛於  
兌糧水次倉關支俱米叁石江北總屬并安慶  
衛於本處倉支米貳石捌斗鳳陽等捌衛所  
并直隸廬州六安滁州泗州壽州儀真揚州高

郵淮安大河武平宿州潁州各衛所俱於淮  
常盈倉關支米麥貳石捌斗邳州徐州徐州左  
歸德肆衛於徐州倉關支米麥貳石陸斗前項  
江北衛所并安慶衛官軍內摘撥江南米次交  
兌者照依江南衛所事例各於原定倉分支米  
麥叁石山東官軍於臨清倉德州天津等衛官  
軍於德州倉各支米麥貳石肆斗

止統元年令各運官軍行糧俱於本處官倉支給  
如倉無見糧於存留糧內兩平斛兌支

本年尚書劉中款題 准給賞官軍鈔錠指揮

捌錠千百戶鎮撫陸錠旗軍肆錠

天順柒年始定江浙湖廣衛所本布政司開支南京并淮安迤南衛所於淮安揚州課程鈔內開支邳州迤北衛所於臨清課程鈔內開支

成化貳拾叁年尚書劉昭題 准南京各衛運糧軍餘月糧照舊全開本色壹石

弘治拾柒年侍郎王儼題 准浙江領運官軍行糧限拾貳月以裏俱於本處照數放支如本處缺糧就於杭嘉湖叁府該兌糧米開支如叁府亦各缺糧本都司轉行本布政司每石折銀肆錢

給散運軍不許遲延

拾捌年尚書韓文題 准南京貳總官軍行糧  
查該若干石將江浙并直隸蘇松等處各府縣  
應運南京倉糧照數收完扣留本處自正德元  
年為始聽候貳總官軍兌糧之時齎執印信文  
冊同在水次照數支領

正德貳年尚書顧佐題 准江南貳總每船旗軍  
拾名例支行糧叁拾石中途逃故者止扣安家  
月糧所遺行糧准給旗軍以償雇募

嘉靖叁拾捌年尚書馬坤題山東等玖衛運軍行

糧原係河南徵收本色正糧兌給貳拾捌年管倉主事魏文煥以臨清廣積貳倉糧多致陳腐將米兌給還軍抵作行糧而河南原派行糧令折銀解倉並執為常官軍告稱不便令自本年為始應該德州等玖衛起運官軍行糧照例徵收本色隨同正糧運赴領兌

肆拾年尚書高燿題 准山東總領兌漕糧除運京通貳倉照舊外該運密雲等鎮糧米運軍行糧照依江北總事例每名量加肆斗共支米貳石捌斗於原定倉分開支其薊州運軍行糧

照寬運密雲邊糧事例亦每名加給肆斗共貳石捌斗山東把總合照遮洋原運天津貳倉事規每年將京糧催轉白河仍押邊糧至薊州督併交納

肆拾肆年尚書高燿題 准官軍行糧例該本處者雖派別省兌運仍舊本處如徵收不齊江浙湖廣每石折銀伍錢江北揚州等衛該鳳淮貳倉支給者每石折銀肆錢許於庫貯別項銀兩借支補還俱以文書到日為始作速開領違誤者俱聽漕司并監兌主事訪實照例叅究如



壹月不給者掌印管糧官各住俸半年貳月不給者各住俸壹年半叁月不給者各降貳級半年之上不給者從重擬處

萬曆貳年尚書王國光題 准以後漕運衙門給

發南京各衛全單先期咨送南京戶部照單扣算行糧另給紙牌連原單發與運官前赴兌糧水次支領及行各巡撫責令府州縣南糧耗米席竹驢腳等項通作正數給軍仍將給過行糧數目并衛所官軍姓名冊報南京戶部查考伍年臨清管倉主事王用楨呈為議處積貯倉

糧以裨儲計事尚書殷正茂題

准將河南徵收行糧改在小灘者徑赴臨清倉上納  
而以臨清廣積貳倉新舊貯米抵作運軍行糧  
通融支給壹年出陳易新計壹萬伍千伍百餘  
石

萬曆陸年漕運侍郎江一麟題議淮大邳泗等肆  
衛運軍月糧尚書張學顏議覆將淮大邳參衛  
運軍月糧拾箇月在江南幫者坐給濟漕商稅  
銀內陸箇月屯糧內肆箇月在遮洋幫者坐給  
濟漕商稅銀內柒箇月屯糧內叁箇月其泗州

衛運軍除伍箇月照舊屯糧秋米抵兌外其餘  
伍箇月該銀叁千柒百肆拾肆兩分派泗州五  
長盱眙伍河等州縣與該衛夏稅屯糧銀壹千  
壹百陸拾兩叁錢肆分註為定數每年徵解鳳  
陽倉通融支給奉

聖旨是欽此

土宜附優卹

洪熙元年令運軍除正糧外附載自己什物官司毋得阻當

成化元年尚書馬昂題 准各運軍置有土產杉板木蒿竹等物沿途易換銀布以備交糧車脚等用免其抽稅以恤軍困

弘治拾伍年尚書侶鍾題 准運船附帶土宜不許過拾石

正德伍年尚書劉璣題 准運糧官員及勢要之家敢有將物貨逼令運官夾帶及運軍分外多

帶者一體許諸人首告物貨盡數入官就充本  
船盤費帶貨人犯不分軍民職官一體問罪若  
係勢豪威逼有官者仍各降壹級過淮之時各  
船運軍先將自己附載土宜物貨數目具告漕  
司給與印信票帖以備查照

嘉靖叁拾玖年尚書高耀題 准工部抽分廠凡  
遇糧船到除土宜肆拾石外許驗客貨如無放  
行不許立掛號名色以悞期限

萬曆元年尚書王國光題 准運船依期貳月以  
裏過淮者許照例帶土宜肆拾石如違限不均

多寡盡數入官

萬曆柒年漕運總督江一麟條陳附帶土宜一款  
尚書張學顏覆准自萬曆捌年為始各衛所  
旗軍每船許帶土宜陸拾石兩淮巡鹽御史及  
理刑袖分主事逐一盤驗多帶者盡數追沒入  
官如遇淺起剥自備脚價先將土宜點驗起盡  
舟再難行方許動給官銀敢有冒破照例叅治  
改入議單經久遵行

優卹

天順叁年尚書沈固題

准徐淮臨德濟寧通州

等處藥局官給藥餌有司點檢醫者俱在年終  
送彼遇僨運官軍患病隨即調治

成化捌年叅將袁佑題尚書楊鼎覆

准將被凍官軍給與口糧每軍給叁斗在德州迤南  
者給壹箇月天津迤北者給兩箇月明年上運  
將該年口糧照數扣除還官

正德拾貳年本部題 准在運官軍身故寄歸遺  
骸官給銀叁兩軍給銀貳兩仍存恤貳年本軍  
應支月糧羨餘通行給與

隆慶貳年御史蒙詔題尚書馬森覆

准以後糧銀無欠完掣通關就於本總本幫給軍羨  
餘銀兩自把總以下分給回南把總貳拾兩指  
揮拾兩千戶陸兩百戶肆兩通示優獎之意餘  
仍給軍以資回南

伍年都御史王宗沐題尚書張守直覆

准凡輕齎參陸者改為參參貳陸者改為貳肆壹陸  
者改為壹伍行令有司各將扣下米數給軍食  
用以示優恤待參年後糧運既通軍困少甦仍  
舊徵派不失漕規初意

萬曆捌年太倉侍郎劉斯潔題慎給運官盤纏尚書



張學顏覆自萬曆玖年為始領運把總指揮千  
百戶等官應給盤纏但經以贓私不法叅論者  
盡行停給完糧違限叁月以上而過淮先期依  
期與完糧不違限而過淮後期及淮北領兌例  
不過淮而完糧違限叁月以上各給壹半過淮  
後期完糧違限叁月以上給與叁分之壹完糧  
違限伍月以上不論過淮先期盡行停給運軍  
應得羨餘姑准給與其停扣銀兩俱類解太倉  
載入議單永為遵守奉

聖旨是欽此

漂流掛欠

弘治貳年尚書李敏題 准漂流糧米奏到之日

先將運到糧米照例將兌運京倉者減除通倉  
上納如漂流拾石減除百石每石省下脚米壹  
斗以補漂流之數除正糧照例加耗所省脚米  
止是刮鐵兩平收受若通倉缺廩仍赴京倉上  
納如漂流壹百貳拾石免贖壹千石亦兩平收  
受每石省下廩折米伍升并耗米柒升共壹斗  
貳升以補漂流之數前項免贖及通倉所收省  
下脚米俱不挨陳先放如補不敷將該幫官旗

美餘銀兩扣除該幫不足將該衛該總扣除  
要補足原數每石給銀柒錢責令買米上納不  
許妄諉米色不類希圖折價有虧額數所扣美  
餘如數足於本幫者同衛別幫照常給軍數足  
於本衛者同總別衛照常給軍

參年尚書李敏題 准漕糧漂流萬石以上漕  
運都御史總兵官糾劾叅奏千石以上把總提  
問千石以下本管官旗提問各該巡撫遇本境  
內漂失數多者照漕司事例叅究

正德拾肆年尚書楊潭題 准京通及薊州各倉

納糧違限叁月者把總官以下住俸半年伍月  
住俸壹年免其提問若違次年貳月終限者問  
降貳級把總官掛欠糧壹萬石以上或銀貳千  
兩以上於違限上各遍降壹級每糧壹萬石或  
銀貳千兩各加壹等指揮以下掛欠糧壹千石  
以上或銀伍百兩以上亦俱於違限上各遍降  
壹級每糧壹千石或銀伍百兩各加壹等把總  
指揮千戶降至總旗而止百戶降至小旗而止  
掛欠不及數者照常論罪候下次糧運有能補  
完掛欠許復原職以拾分為率能完伍分以上

者准復原降壹級叁年內全完者亦准奏復原職若延至叁年之外全不完者終身不准復子孫亦止於降級上承襲

嘉靖叁拾肆年尚書方鈍題 准行各沿河一帶州縣如遇具告漂流掌印正官親詣查勘糧船有無俱盡或漂流糧米船隻尚存或漂流未盡查勘的確具奏如侵費扶同勘報官軍并有司官吏叁送問罪

叁拾玖年尚書高耀題

准叁拾捌年羨餘銀暫寄通庫如運官漂欠糧米奏

勘明實許將本衛羨餘銀相兼處補完納掣取  
通關銷繳聽候補還若至貳年之外仍不處補  
者即行查解太倉查解之後雖有應補掛欠俱  
不准與處豁假捏漂流及別衛者不許混告轉  
補

肆拾肆年尚書高燿題

准船糧到灣查無起欠即將羨餘銀先給壹分以便  
回南其餘驗明貯庫各旗完掣通關之日照前  
給領如有掛欠悉行扣貯通庫不得稟給

本年又題

准小患漂流止以貳百石為率核

總勘結報准行若出貳百石之外仍照大患  
漂流事例具奏覆勘明實方與准行

隆慶貳年尚書馬森題 准輕齋銀兩呈驗之後

總計某總下某衛某幫勘奏到大患漂流若干  
免贖減除等項補過若干小患漂流若干本船  
脚費等項應補若干其各不敷之數小患先儘  
本幫次及本衛大患先及本幫本衛次及本總  
如數足於本幫同衛別幫者照常給軍數足於  
本衛同總別衛者照常給軍如遇非常大患扣  
及要總亦要均派各衛所數足之外亦照常給

軍

肆年尚書劉體乾題 准掛欠官旗如有先期  
逃回者移文漕司并各巡按御史嚴限提解監  
追掛欠完者仍照棄撒船糧逃回事例問擬發  
遣

陸年尚書王國光題 准凡掛欠漕糧除奏到  
漂流外運官欠糧千石以上旗甲百石以上即  
行叅送法司不及數者嚴限比併完有次第押  
發漕司追併其在逃者運官肆百石以上旗甲  
伍拾石以上嚴提來京轉送法司監追問擬若



旗甲欠不及數易為處補輒先棄撤在逃許領  
運官即時呈部行漕司提問又題

准凡僭運監兌各官題叅運官到部完糧限滿行京  
通貳倉查先叅違限後能早納者題覆內稱說  
明白免罪若水次遲過洪遲及水次過洪俱遲  
而臨倉掛欠者一體照例問擬又題

准把總指揮千百戶等官如原運糧貳萬石漂去壹  
千石以上原運糧貳千石漂去壹百石以上降  
壹級如原運糧壹萬石漂去壹千石以上原運  
糧壹千石漂去壹百石以上降貳級俱於祖職

上實降不得復職若能自補完不費別軍處補者免罪

萬曆元年尚書王國光題 准凡官旗漂流船糧即日勘明具奏到日照例減除免曬處補不敷方許動支給軍羨餘若未經奏到雖有印信執照不許混支

貳年尚書王國光題 准行撫按轉行各糧儲道嚴查節年掛欠官員要見其係事故某係見在如果故絕無人承襲將原欠糧銀除豁免追若本官已故而子孫已經襲替者照議單叁年

之外全不完者終身不准復原職子孫亦止於  
降級上承襲移咨兵部降授原職原欠糧銀免  
追如有子孫情願代補限萬曆肆年以裏能完  
免其降授過限不完仍照降例原欠開豁其餘  
見在各官已經問降者立限嚴追未經提問者  
一面查照原叅提問一面照原行追併每限完  
貳分年終具奏完不及數糧儲等官從實叅究  
若不行查叅聽本部該科糾舉南京貳總所屬  
衛分着落漕司亦照前例施行以後把總官任  
內如分毫顆粒掛欠縱遇陞遷不許離任敢有

朦朧赴任者照姜潮等事例叅提革任問罪監  
追遠年舊欠悉免查比

伍年尚書殷正茂題 准河西務官剥剥船起  
剥漕糧遇有漂失責令各船戶照數均貼如係  
民船將本船應得腳價盡數追給該管旗軍買  
補若果人船漂沒無跡勘究的實呈部覆勘方  
准動支該幫買補

陸年巡倉御史謝師啓條陳處漂流以救實惠  
尚書張學顏覆 准以後如遇漂流在揚子江  
者先赴附近分委催償把總處具告相機救撈

一面赴督押司道官處告委有司或在運通判  
相去壹百里之內者限貳日壹百里之外者限  
肆日覆勘明實申呈漕司即與具奏除豁如有  
違限扶捏等弊即將原勘官員從重叅究坐贓  
問擬官旗分別捏報漂欠虛數多寡問擬軍斬  
重罪其南北河道漂流者責令本幫補納有不  
敷者方許量動槩幫閏米攤補不得一槩奏豁  
仍改入議單施行

禁令 附侵盜科索

成化貳拾壹年御史謝文題尚書殷謙覆

准運軍借債止許加利叁分如違禁不許給還其管  
運指揮等官有借銀壹千兩以上者革去冠帶  
至伍千兩者住俸若至壹萬者降壹級不許管  
軍管事其間若果能撫恤軍士早完糧米不欠  
債負陸年之上者量陞壹級

弘治伍年令官軍借債但係叁年以前者盡為革  
罷近年者止照律出息若放債之家倚勢逼放  
及擅執官軍拷掠糶賣官糧准折者軍發邊衛

充軍民發口外為民

拾伍年尚書佾鍾議 涇王之國債運糧船不敢前進省諭各衛所官軍并民運如遇黃船迴避一時其餘船隻兩岸分行不許混爭擠塞致阻糧運

拾柒年侍郎王儼題 准管糧內外官如有大姦貪索財物非理捶楚運官致累借債使用者聽巡倉御史訪實應拏問者拏問應叅奏者叅奏

正德陸年尚書孫交覆侍郎邵寶議運船私債累

有禁約其源始於倉場之使用其流生於運官之科索其弊起於勢豪之貪利其害在於官府之追逼以後都御史總兵嚴立漕規不追私債則借放自息

拾肆年御史東郊題把總等官收貯輕齎銀兩中途浪費總兵官資為人事僇費多端揭債日多尚書石玠覆准今後運官在途許管關主事巡河御史查盤在京行巡倉御史訪拏如有前弊從重問罪私貨入官揭下私債若有還過壹本壹利轉立虛約強將官米准折者照打攪



倉場事例加號軍發邊衛充軍民發口外為民  
運官旗甲串同應承者官軍俱照前例充軍

嘉靖叁拾柒年尚書賈應春題 准南京各衛雇

覓盤運江船由大江抵壩者不許復回龍江開  
泊住各運官旗過淮聽漕司發理刑主事盤驗  
若有附載客商勢要人等貨物盡數入官發清  
江等廠補造事故缺船公用各該官旗商人照  
例究問

侵盜科索

天順肆年臨清衛小旗郭宜興告千戶陳鼎受財

賣放軍士科歛銀兩入已本部查得近該總兵  
官徐恭題奉

宣宗皇帝聖旨如今裏河有水正緊關要運糧這廝  
却躲避來告狀那派下的糧不知着誰運法司便  
將狀子連人送去平江伯處整理不問告得虛實  
俱待運糧畢日整理停當了還具奏來定奪今後  
運糧官軍有來告狀的都照這例行欽此合將都  
宜興遍回陳鼎行山東巡按提問照例發落  
弘治拾叁年尚書周經題 准把總等官科害軍  
士者發回本衛差操再不推用其跟官書算人

等指稱使用等項科索軍士銀物侵欺入已  
拾兩以上者問發邊衛充軍

拾柒年尚書韓文題 准把總指揮千戶等官  
敢有指稱打點饋送為由計船科取許被害旗  
軍具告漕司叅提問罪如將私已物件稍派各  
船希圖覓取利息或將客商貨物攬匿在船取  
其雇值或寄裝在京勢豪并熟識人等各項土  
產負累旗軍出賠腳價者亦許被害旗軍首告  
所在官司照例盡數入官

正德拾陸年左侍郎秦金題 准把總指揮千戶

戶索要運軍常例及科索銀兩至拾兩以上者  
問罪降壹級貳拾兩以上者降貳級叁拾兩以  
上者降叁級肆拾兩者亦降叁級仍發回原衛  
帶俸差操再不許推用至伍拾兩以上者問發  
邊衛充軍

本年尚書楊潭題 准侵盜在官糧米至肆拾  
石銀貳拾兩錢帛等物值銀貳拾兩者問發邊  
衛永遠充軍糧至百石銀至百兩以上者問擬  
斬罪

隆慶貳年本部題 准指揮千百戶索詐旗軍常

例優扣月行糧多索船料等項銀兩及把總受部下官見面銀并供辦等費各計贓以監守自盜問擬

肆年御史孫裔興題尚書劉體乾覆

准把總指揮查照先年事例每員止許乘坐船壹隻其應運官糧責令量數裝載不許分派別船附載私貨識字軍人止令隨船跟伴不許包占有名人役及容縱乘占馬船

萬曆元年尚書王國光查得嘉靖肆拾叁年至隆慶伍年止指揮趙應揚等原係侵欠比與尋常

掛欠不同行該撫按嚴追限半年完報題奉

欽依

貳年巡按蕭廩題尚書王國光議得王承祖張  
來侵盜既實擬斬無枉魏世隆毛太山原擬侵  
盜坐為打點其餘擬充軍杖罪以下似亦過輕  
合當再問及各犯變產銀伍百餘兩差舍人毛  
平江等管解久不到部嚴行查究題奉

聖旨是各犯侵欺漕糧數多着巡按御史從公再問  
定擬具奏毛平江馮栢都着拏解來京問不許徇  
情賣法長惡容姦欽此

河漕

永樂柒年尚書宋禮開濬會通河導齊南魯北諸水悉會南旺又疏山東諸泉以灌南旺自南旺分流南入河淮北入白衛又築濟北安山梁山諸堤以捍漫流引昭陽湖鳳池口諸水以灌呂梁二洪遂成一代漕規

本年平江伯陳瑄疏淮水汛急時常漂沒因唐劉晏沙河故道引邵伯湖水達於清口漕舟由此利涉避淮河肆拾里之險

宣德柒年尚書郭資題 准開揚州白塔河

正統玖年題濬山東泉源

拾叁年河決沙灣東堤尚書王佐題

准命尚書石璞塞治

景泰肆年尚書周忱題

准復命都御史徐有貞治沙灣決河

伍年乃成

天順貳年本部題

准開薊州河自小直沽口至

薊州肆拾里避直沽渡海之險云

成化貳年本部題

准設工部主事督理山東泉

源定瓜淮貳溝陸年濬煙燉橋河及三里河作  
平水壩柒年議修蘆溝橋河決堤又築淮安清



家霸捌年治揚州至淮安湖塘

拾壹年尚書楊鼎題 准差本部侍郎翁世賢

工部侍郎王詔總兵官陸銳都御史李裕濬大通橋至通州河道

本年御史薛為學復請䟽通惠河石閘淤塞尚書楊鼎覆 准

拾貳年平江伯陳銳奏治通惠河功成糧船到於大通橋下搬赴京倉上納較之往年腳價減

省至參肆倍

通惠河源出昌平州白浮村神仙泉西南會壹畝馬眼諸泉統出甕

山後匯為淤里東入都城西水門貫積水潭又稍東由月橋入內府環繞宮殿南出玉河橋水

門東行合南城河或源由大通橋東下通州出張家灣渾河口即元郭守敬所修故道

本年平江伯陳銳題大通橋河成乞

賜恩典尚書楊鼎議覆比照修築張秋河事例賞賚  
奉

聖旨陳翼已陞京職罷單鏞等十員各陞署職一級  
耿麟等五員名各賞紵絲一表裏沈德等三員名  
各賞絹二疋李和等五十七員名各賞絹一疋王  
廣等六千六百三十六名各賞綿布一疋欽此

陸  
運  
拾

拾玖年尚書余子俊題

淮濬鴉鴻橋至豐潤

縣淤塞河道轉運通州漕糧

弘治貳年尚書李敏題 准差侍郎白昂開復高

郵康濟河復濬揚州揚子橋河道

陸年本部題 准都御史劉大夏修黃陵岡隄築

張秋鎮石壩

捌年本部題 准令侍郎王恕治揚州至淮安

湖塘

拾壹年都御史叢蘭奏挑濬鎮江常州小河修

理閘座尚書石玠覆 准照瓜州事例叁年兩

次舉行不許怠悞

嘉靖陸年御史吳仲奏修通惠河尚書秦金會議  
覆奉

聖旨是修濬通惠河乃前人遺跡

先朝成筭近年屢議修復輒為姦豪射利之人所阻  
今開壩具存河渠無礙原設官吏夫役俱各見在  
你每今所議處尤為簡易合用錢糧不多且車舟  
並進不失車脚之利一應疏濬盤剝修閘造船等  
項事宜都依擬施行然政之修舉必在得人兵部  
便會戶部推舉曾歷漕事練達都指揮一員照例  
充叅將通州駐劄照舊驗收輕濟銀兩兼理修河

事務吏部仍會戶工二部推有才力肯任事郎中  
一員并通州巡倉御史各寫勅與他行事未盡事  
情聽該部并各官從宜處置事體重大者具奏定  
奪今冬先將木植磚石等項置辦待來春融煖之  
時興工委用官員務要用心協力共成大功弗得  
偏執違拗妨悞經國大計責有所歸欽此

叅拾捌年尚書馬坤題 准各該河道大小官  
員將該管河道自通州以至儀真各地方務及  
時修築䟽濬以濟糧運如有怠玩悞事比照運  
官叅降事例阻淺拾日該管有司軍衛住俸半

年貳拾日住俸壹年壹月軍官降壹級四衛差  
操有司降壹級差管河官調外任河道都御史  
聽南北科道及巡鹽巡倉御史叅奏定奪

肆拾肆年尚書高耀題 准命尚書朱衡治徐

州河開復新舊河壹百玖拾肆里

隆慶貳年尚書馬森題 准兩淮運司商人納挑

河銀貳萬壹千餘兩歲撥叁千兩協濟洪夫

伍年都御史陳炯題尚書張守直覆

准行兵備道將蘇常鎮一帶及海寧崇德南陵涇  
各灘淺處興工挑濬無致阻悞糧船其丹徒練

湖議立公庄悉清復還官

萬曆元年都御史王宗沐題尚書王國光覆

准將瓜州鎮花園港建閘貳座動支淮揚貳府貯庫  
河工銀兩候漕運積有罪贖照數補足

本年本部題 准山東總屬巡撫薊州漕糧拾  
萬石河道淺澁難行本部行令掌印管河官將  
王家淺一帶河道疏治修築如有司怠玩許官  
旗具呈漕司照例查叅降罰○又題

准直隸徐邳上下凡係黃河經由去處如有盜決故  
決河防干礙漕運者悉照山東河南事例為首

者民發附近衛所充軍軍調邊方衛所

參年侍郎張紳會議尚書王國光覆

准以後糧船俱抵通州著以為例畧云查得舊卷成  
化丙申平江伯䟽濬裏河之後漕舟不惟徑至  
通州直達大通橋下後為權豪欲專起剥之利  
尋廢抵橋嘉靖初年正德以前俱到通州城無  
起剥脚價之費後因參肆月間河常水淺當時  
權宜始置外河剥船以輕淺船止壹百伍拾隻  
及伍陸月水漲仍俱令照舊至通州嘉靖戊子  
年工部設郎中壹員淺夫陸百名專為漕糧



濬外河以求必達貳壩今通州舊志亦備載其  
事故隆慶肆年該總督倉場侍郎陳紹儒議令  
淺夫及時疏濬務使運船抵壩以省腳價又該  
都給事中劉繼文御史楊家相各題糧船抵灣  
交割剥船運石土貳壩糜費太多姦弊多端要  
行照先年舊例責令淺剥貳船俱抵貳壩考據  
甚真本部覆奉

欽依通行欽遵訖續該侍郎萬恭題稱糧船到灣仍  
於里二泗官民船剥赴京通倉免其頂壩擠塞  
隨經本部查議得糧船擠塞不在抵壩而起於

大通橋之阻滯故橋運若遠自可派行覆奉

欽依仍令淺剥貳船俱抵通州壩遵行伍年矣公議  
稱便然前後題覆仍舊抵壩者豈專為扣省脚  
價官旗人等駕言必欲抵灣者豈真為抵抗辛  
苦蓋運官私貨雖限以肆拾石往往數倍於此  
載收船底灣中商賈雲集四散交易倍取其值  
通州實非轉發之地此其不便者一京軍每歲  
通州支米陸次總計壹百貳拾餘萬石雖人止  
壹石惜費脚價寧賤售於灣中故勢豪棍徒年  
年囤積以待運家買以插和好米盜賣侵欺諸

制如此通州部官密通姦計即發此其不便者  
二且灣中一應人等喜其貯貨覓利近失其望  
興謗交謀此其不便者三橫議扇動全在於此  
今若必遂其計竊恐糧運早到各幫湧集通州  
淺船不下萬隻每船裝糧約計伍陸百共糧有  
叁百伍陸拾萬剥船目下添至捌百隻加以損  
壞將半假令盡數起剥每船止容百石有餘須  
再造剥船叁千再費腳價數萬勢或不能故先  
年強攔商民船隻起剥因致怨聲盈河今未盡  
免此其不可者一見在剥船捌百苦無着落皆

責之武清縣富戶領駕年費修船民苦不堪徃告困乃又益之一縣之民必將逃徙此其不可者二萬一天雨水漲起剝不前漂流難免如隆慶陸年壞船肆拾貳隻殆半在張家灣迤南豈盡抵壩之故乃運家借此為言尤訛之甚此其不可者三灣南至壩迂曲止有貳拾里即捐勒再四若船由江浙湖廣遠者叁肆千里近者貳叁千里或隔於江河或淺澁於間壩亦將要利船以接運乎輕數千里而來斬貳拾里而止其情不待辯也故抵壩者舊例也嘉靖中年以

前行之也其法約而善不抵壩者新議也嘉靖  
中年以後變之也其法徇而不善今乃以新議  
為舊例悞矣良由運官指軍旗之苦言易以起  
人聽聞殊不知各運漕糧凡開兌之時酌量地  
里每正糧壹石除輕齎外耗米加至肆斗叁斗  
不同潤米加至叁斗貳斗不同每船許帶土宜  
肆拾石在駕運者既給月糧以安其家又給行  
糧以濟於路輕齎有拾分之叁以資盤剥有拾  
分之柒以備交納及糧完無欠又給羨餘以資  
回南各項公用俱取諸官銀則抵壩抗糧又焉

得謂罷困而苦苦告難於咫尺之間上妨大計  
乎以後糧船俱照嘉靖初年良法施行毋搖成  
議以亂舊章

陸年工部咨為奉

明旨陳愚見議治兩河經畧以圖水利事本部議覆  
將淮南并浙江江西湖廣各屬兌改漕糧分別  
災疲地方通融改折貳百萬石其該折糧銀壹  
百叁拾柒萬壹千肆百貳拾叁兩貳錢零又減  
存運軍省下行糧等銀約該貳拾貳萬肆千兩  
有奇通共銀壹百伍拾玖萬伍千肆百貳拾叁

兩有奇於內借留叁拾萬兩協濟河工等因奉  
聖旨這漕運依擬折貳百萬以甦民困其折色銀  
兩以一百萬解部以五十九萬五千餘兩協濟河  
工着各撫按督率有司官上緊嚴限徵完本折一  
併起解如耽延拖欠以致虧損國儲你部裏併該  
科即便指名叅來重治明歲糧運既省軍船俱有  
空閒着總督漕運及各巡撫等官乘閒將一應漕  
務着實整理以俟下年早運不許因而怠玩廢弛  
以致誤事其餘俱依擬欽此

# 海運

洪武伍年令靖海侯吳禎率舟師海運以餉遼東  
又遣都督朱瑄張赫領之貳拾年冬封壽為舳  
舳侯赫為航海侯

永樂拾叁年罷海運仍設遮洋總存海運故跡用  
海船歲運北糧由直沽渡海以達薊州

天順貳年以直沽海口涉歷大洋議開小直沽新  
河後又更造淺船而海道盡廢

隆慶伍年都御史王宗沐建議海運尚書張守直  
復准立海運總設官置船歲運糧壹拾貳萬



石至天津

陸年本官復條議船料本部會同工部議准各該巡撫漕運衙門專委糧儲道督責湖廣廠委官打造海船貳百叁拾陸隻每隻議定價銀貳百玖拾兩俱以拾伍年改造壹次永為定規自淮安府開船至八套口計叁百餘里係河道可為壹程自八套口開船至鶯遊山約貳百肆拾里用東南風壹日可到為壹大程如風不便玖拾里可投五丈河又西北壹百餘里可投狹口灣泊容船伍百餘隻自鶯遊山起東北遠望瑯

瑯山前投齊堂島灣泊肆百里用西南順風壹  
日可到為壹大程島西面泥灘叁里可容船百  
餘隻如船多島東北叁拾里有龍灣口可泊船  
貳百餘隻中間所過水而東北濤落口約有壹  
百玖拾里可容船拾餘隻又東至夾倉口貳拾  
里可容船貳拾隻迴避望海口又東至石曰海  
口叁拾里可容船陸柒隻迴避石曰欄胡家欄  
曲伏抵龍洞又東至龍王口肆拾里可容船叁  
拾隻又東至黃石棚又東至龍潭貳拾里可容船  
百餘隻迴避木瓜島又東至貳拾餘里迴避胡

家山以上堪灣泊海口伍處應迴避柒處俱用  
西南風迴避西北東北正北風其餘滴水口沙  
灣口貳處係西南徑過僻路如遇緊急亦可灣  
泊自齋堂島等處開船正東由膠州靈山島東  
北望遠勞山前投福島灣泊共約貳百餘里用  
西南順風半日可到為壹大程此島方圓貳拾  
里西南有泥灘貳里半可灣船陸柒拾隻如船  
多島迤西伍拾里董家灣闊大堪灣船叁百餘  
隻中間所過水而東肆拾里回古鎮海口可容  
船叁百餘隻迴避東北正東風島東北鼓樓園

容船拾餘隻迴避東北西北風此處雖可容船  
不宜久住又東北至唐島陸拾里可灣泊貳百  
餘隻避正北東北風又至董家灣陸拾里迴避  
捉馬嘴以上堪灣泊海口伍處應迴避參處俱  
用西南風迴避西北正北風自福島開船東貳  
里迴避老君石遠望田橫島約壹百伍拾里用  
西南順風為壹大程半日可到此島方圓叁拾  
里可灣船貳百餘隻如船多島東北拾里有濶  
港灣容船貳百餘隻中間所過水面北由小管  
陸拾里可容船貳拾隻又東由大管島拾里

可容船拾餘隻又東至田橫島柒拾里以上堪  
灣泊貳處迴避壹處餘有淮口港可容船拾餘  
隻係背路遇緊急亦可灣泊自田橫島由青黃  
島遠望槎山前投玄真島灣泊約肆百餘里用  
西南順風壹日可到為壹大程島東西長伍里  
遇北風灣南面遇東風灣北圈可容船百餘隻  
東北岸下水底三孤石傍多隱石該迴避遇船  
多島迤西伍里朱家圈可容船百餘隻又西伍  
里宋家圈與草島前可容船伍陸拾隻中間所  
過水面至東拾貳里濶落灣船貳百餘隻又東

至楊家溝港參拾里可容船參拾餘隻東至拾  
里迴避劉家嶺又東至草島嘴參拾里可容船  
伍陸拾隻又東至青島參拾里西園可容船拾  
餘隻又東至黃島參拾里西南灘可容船拾餘  
隻又北至宮家島參拾里可容船參肆拾隻又  
東徑過蘇島直至玄真島朱家等圈壹百伍拾  
里迴避朱家圈西柳蒲與沙嘴玄真島西嘴與  
東島東崖三孤石以上灣泊陸處迴避伍處其  
餘行村寨馬公島與何家馬頭乳山寨上港口  
及靖海衛北張濛島皆是背路去處如遇緊急

亦可灣泊迴避靖海排叉石裏烏娘娘廟嘴自  
玄真島開船稍放洋行東轉杆島嘴北過成山  
頭西北望威海山前投劉公島灣泊貳百肆拾  
餘里用南風為順風壹日可到為壹大程容船  
陸柒拾隻如船多烏巡西拾里威海東門口教  
場頭島口可容船叁肆百隻中間所過水面東  
至鎮鄒島西頭李家圈叁拾餘里可容船貳叁  
拾隻逢東北東南風南叁里迴避礮石又東叁  
里鹿島東容船壹貳拾隻避北風與東風又東  
柒捌里迴避凹屋港又東拾伍里迴避墨石島

又北拾餘里迴避楊家墳又北拾里迴避餓狼  
鵝石又西北肆拾餘里養魚池可容船貳百餘  
隻避東風與東北風又東北貳拾餘里黃壩嘴  
可容船壹百餘隻避東北與北風又東南壹里  
迴避成山頭又東柒捌里迴避殿東頭此貳處  
稍險湏放洋遠避過此轉西叁拾餘里駱駝口  
圈裏東岸下可容船貳叁拾隻避西北風又西  
拾伍里柳柵海口可容船伍陸拾隻避西北東  
北風又西柒捌里迴避青雞島與雞鳴島相聯  
水底礁石又西直至劉公島壹百里迴避島東



南礁石嘴又西陸柴里黃泥崖可容船貳叁拾  
隻又西陸柴里沙嘴兒可容船貳拾叁隻俱避  
東北風又西貳里小黃島裏口可容船叁拾隻  
避西南風又西拾里衛東門口教場頭島口灣  
船肆百隻避西北風以上灣泊拾處迴避拾處  
其餘寧津所西北崗山海口尋山所西南青魚  
灘家雞汪皆是背路去處如遇緊急亦可灣泊  
自劉公島開船西北拾餘里迴避王家嘴又西  
拾餘里迴避靖江嘴又西拾餘里迴避小杆島  
遠遠嘴西南遠望芝罘島灣泊約貳百餘里為

壹天程用東風東北風為順風半日可到貳拾  
里東迴避勝子嘴圍又西大口婆婆可容船壹  
百餘隻避北風西北風又西叁里迴避宅窠如  
船多島迤東叁拾餘里崆峒島前可容船貳叁  
拾隻迴避東南沙港又北叁里夾島可容船陸  
柒拾隻避北風中間所過水面迤西壹百肆拾  
里養馬島東柄上老鴉港可容船叁肆拾隻避  
西北風又島西頭迴避煉石嘴又轉島裏龍王  
廟前可容船貳叁百隻避西北東北正北風又  
西北伍拾里係崆峒島又西叁拾里係芝罘島

以上灣泊肆處迴避陸處自芝罘島開船西陸  
拾里過龍洞直西遠望長山島西投沙門島泊  
約壹百捌拾里為壹大程用東南風壹日可到  
島東南汪周圍貳叁里可容船壹百餘隻避西  
北東北正北風如船多島迤東南陸拾里新河  
海口可容船伍陸拾隻口外不宜住船口裏避  
四面風中間所過水面西陸拾里八角嘴可容  
船陸柒拾隻避西北正北風又西伍里迴避龍  
洞嘴又西伍拾里迴避四石又壹貳里入劉家  
汪海口可容船壹百餘隻避四面風又西貳拾

里迴避灣子口東北沙港又西貳拾里迴避採  
直口金嘴礁石又西叁里入新河海口迴避觀  
音嘴石西北肆拾里迴避長山島東南嘴沙港  
又西拾里係沙門島以上灣泊叁處迴避陸處  
自沙門島開船西南遠望三山島約貳百餘里  
計為壹大程用東風為順風半日可到島南面  
黑港可容船叁肆拾隻避北風中間所過水面  
南叁拾里迴避大石欄又西陸拾里桑島前面  
可容船伍陸拾隻避東南西北正北風迴避島  
東止貳處礁石又西肆拾里岬岬迴避東西北

參處礁石島南宋港可容船肆伍拾隻又西肆  
拾伍里迴避羊欄礁石又西拾伍里係三山島  
開船過芙蓉島直西投大青河口灣泊共約肆  
百餘里計為壹大程用東風與東北風為順風  
壹日可到可容船伍百餘隻芙蓉島迴避東沙  
港轉西南面可容船肆伍拾隻避東北風又西  
伍拾餘里迴避虎頭崖與東北碎口又肆伍拾  
餘里迴避海倉口椿木關石又西壹百壹拾里  
係江河口外有沙嶺船難進泊又西肆拾餘里  
係小清河船難進泊以上灣泊貳處迴避參處

還有參處小河口俱不堪灣泊自大清河開船  
投大溝河約壹百陸拾里用西南風壹日可到  
為壹大程可容船壹百餘隻如風不便陸拾里  
投降降河可容船貳百餘隻入至大沙河參拾里  
可容船壹百伍拾隻靠岸有沙岡迴避以上  
灣泊參處迴避壹處自大溝河開船投大沽河  
灣泊約貳百餘里可容船貳百餘隻如風不便  
崇拾里投乞車河灣泊可容船壹百餘隻俱無  
迴避其系勾河窄小不堪灣泊自淮安起至張  
家灣止海陸共計參千肆百伍拾里

萬曆元年巡撫傅希摯題議海道初通設兵船以  
戒不虞尚書王國光覆准除淮安等處立有  
兵船巡哨外所有山東地方即墨文登武定天  
津武千餘里分為叁哨每哨用紅船貳拾隻每  
隻軍共拾伍名貢令更番哨瞭防禦每月給工  
食柒錢

本年都給事中賈三近題罷海運都御史王宗  
沐上海運圖冊尚書王國光議暫停止將原發  
海船分撥河運原派領海運官員任事者另行  
優恤其張大有等玩法失事分別處治奉

這海運既經諸臣議稱不便暫且停止着王宗沐專意經理河漕以裕國計其所上海運圖冊你部裏還存留一本如後河道有梗仍議舉行張大有等姑免究欽此

本年都御史王宗沐題修復遮洋總尚書王國光覆查得國初海運歲柴拾萬石以給遼海嗣後會通河成海運不講然尚留遮洋壹總良有深意至嘉靖肆拾伍年給事中胡應嘉建議裁革併入山東江址諸總而前制盡廢邇來河道淤塞仍設海運勞費既多復令革罷其海運



把總仍令改兌遮洋凡海船新造者責本官統率專領北兌原給關防照舊掌管新設船隻照例修造

○ 參年御史蕭泮題變賣海船以利運道尚書王國光覆奉

聖旨存留海船原以備緩急之用不准變賣着漕運衙門議處具奏欽此隨該都御史王宗沐題本部覆 准海防盡改德州水次領兌使得先期抵灣與南船自不相值原派開河水次與濟寧任城等衛互相更易它貼修船月糧准預行借給

全支回空之日寄臨清舊關委官看守  
南如往南往返損壞行令臨清兵  
照原題每拾伍年壹次改造以後  
旗處以軍法把總參提問革

民運

正統拾叁年尚書王佐題 准白糧船隻編置字

號送沿河各官催督及行磚廠免帶磚

成化陸年總督陳廉題蘇松等府運送糙白糧米  
係官造船隻每船僉撥納戶伍陸名多不過拾  
名領駕來京乞免帶磚糧免驛揚令其早回尚  
書薛遠覆 准除免帶磚咨行工部定奪外其  
未收糧米准行收糧衙門驗無糠穀沙土免其  
驛揚即與收受

弘治柒年尚書葉淇題 准民運白糧係

內府等處供應之數行河西務委官今後糧米剥船到關俱免納料即時放行仍通行各鈔關一體驗放

嘉靖元年尚書孫交題 准民運白糧照依兌運事例每年拾月終徵完委廉幹官員拾貳月以裏船運至瓜州聽僨運郎中催僨次年正月終不完者將府州縣管糧官提問住俸半年叁月終不完者住俸壹年仍令戴罪催徵若延至伍月終不完者將司府州縣掌印等官通行提問各降貳級蘇松常叁府限正月以裏過淮捌月

初壹日完納若限外叁箇月之上完糧者住俸  
半年限外伍箇月之上完糧者住俸壹年延至  
次年貳月終不完者問罪降貳級起送吏部別  
用若有侵盜削剝等情從重問擬

隆慶元年都御史林潤題議白糧改折尚書葛守  
禮議覆

祖宗之制每歲有漕糧肆百萬石而又有白糧叁拾  
萬壹千肆百餘石率不下叁貳石而致壹石豈  
不欲寬民力蓋居重馭輕憂深慮遠誠有不得  
不然者今若再議改折倘運道萬一有阻或環

京師方數千里有水旱之災將何以支仍令如舊  
貳年御史蒙詔題尚書馬森覆

准民運糧行浙直撫按衙門轉行司府州縣官選委  
府佐貳官壹員為總部比照漕運把總官州縣  
佐貳官壹員為協部比照漕運指揮千百戶等  
官行事正月以裏督令開船定限陸月以裏赴  
部上納如部運官不行依期催解違朞月終限  
者住俸叁月違捌月終限者住俸半年違玖月  
終限者住俸壹年違拾月終限者降級歲終不  
到者比照罷軟事例罷斥各該府州縣掌印官

遍減壹等止於降級如各官沿途需索支應等  
項照前議以枉法論擬其有私自逃回者提解  
來京叅送法司從重究問民運糧長大率苦於  
催徵逼勒完掣參事自後編定北運解戶若有  
坐派兌軍即與扣作京糧之數其船隻聽酌量  
糧米多寡不必拘定大船以滋姦徒抑勒之計  
仍查明糧長正身人給小票壹張俾各得完掣  
不致牽累

肆年尚書張守直題 准收受祿米倉糧米斛  
席等項自本年以後各於舊例量免壹半糧少

者准令輟合起解白糧船隻止許受載伍百石  
為率原每石斜簾半領貳百石木板壹片壹百  
石篩蘿芭斗各貳件

陸年都給事中陸樹德題尚書王國光覆

准起運白糧依期徵完責令糧長設處船隻同運官  
幫次開程過淮洪入閘漕務叅政督催與軍船  
一體輓拽運軍敢有欺凌挾詐及船戶驅使求  
索并洪閘等役騙害許糧長就便告鳴該道處  
治 又題

准民運船隻照軍船事例量帶土宜肆拾石經過各



鈔關免其納稅

萬曆貳年尚書王國光題祿米倉歲收俸糧不敷  
支放查照舊例將江南新運漕糧內揀篩肆萬  
石暫行支放俟萬曆肆年新糧至日另議以後  
每年遇米賤時月照依時價放給折色壹貳月  
永為定規奉

聖旨是這白糧以後除原議二分之一外再不許議改  
折欽此

玖年漕運總督凌雲翼題浙江應天巡撫吳善  
言孫光祜各咨稱勘議過浙江湖州等府糧戶

卜永明等奏將民運白糧要照漕船式樣借支  
鹽銀官為成造不便有五其害有四乞要照舊  
尚書張學顏議行漕運衙門及各巡撫將江南  
伍府應運白糧令各糧長仍雇伍百料中船勿  
令夾帶私貨應得水脚當官議定先給壹半其  
餘印封船過徐州總部官驗給其折徵役銀量  
助糧解先止行蘇州壹府令通行嘉湖松常肆  
府如不係額外加派俱聽酌量舉行如額外加  
增者仍計議停妥具奏在京部寺監收等官遇  
白糧至日俱要隨到隨收勿縱倉攢員役需索

如有前弊聽本部與巡倉御史查實參奏奉  
聖旨是欽此

它運

成化貳拾年尚書余子俊題 准遮洋船支兌

拾萬石除天津等倉陸萬石外將薊州貳拾肆萬石內改撥拾萬石豐潤倉交收以備山海邊衛官軍支給

弘治玖年郎中王鉞呈尚書葉淇題

准自拾年為始運本色拾萬石赴薊州倉上納折色拾肆萬石運送永平府庫收貯以便官軍月糧嘉靖貳拾玖年北虜為患密昌調集兵馬數多本色不敷督撫等官議要它運漕糧接濟尚書李

士鰲覆 准共撥貳拾萬陸千餘石

叁拾年尚書孫應奎題 准薊州班軍陸萬柒

千員名該行糧拾叁萬肆千石於漕糧內撥運

薊州支用

叁拾貳年總督何棟咨尚書方鈍題

准共撥漕糧壹拾捌萬肆千捌百壹拾捌石捌斗貳

令運官徑由通州水路運至牛欄山河下起岸

分運密雲隆慶石匣貳倉以備叁拾叁年支用

叁拾肆年總督楊博題尚書方鈍覆

准密雲主客糧米內量改陸萬石給昌平支用

嘉治柒年都御史傅頤題欲將該鎮漕糧盡免  
官軍徑運尚書賈應春覆准每年撥運漕糧  
貳拾萬陸千餘石內叁拾伍年減免伍萬石又  
除薊鎮班軍行糧壹萬貳千壹百肆石柒斗照  
舊責令運官代運外仍該昌密武鎮倉糧并行  
糧拾肆萬肆千叁石叁斗叁拾捌年為始運  
赴通倉上納每年正月以後本部差官密運密  
雲柒萬石由通州水陸接運共壹百肆拾里每  
石脚銀壹錢伍釐共柒千叁百伍兩貳千叁萬  
石由通州陸路壹百貳拾里每石脚銀壹錢伍

釐共叁千玖百陸拾兩將原隨糧耗每石貳斗伍升內扣出伍升并近議加盤剝米叁升共米捌升計共捌千石每石折銀伍錢計銀肆千兩以備代運腳費仍於京通貳倉各總扣剝羨餘銀兩動支補給

叁拾玖年總督許論題尚書高燿覆

准督令運官將原運漕糧密鎮柒萬石昌平鎮叁萬石并行糧徑運該鎮歲以為常

肆拾肆年薊永分鎮撥薊鎮本色拾萬石折色捌萬肆千石撥永平折色伍萬陸千石

隆慶元年都御史劉燾題要官軍照舊上納尚書  
葛守禮覆 准仍令江北山東貳總徑運貳鎮  
以後年分挨次均派不得偏累壹衛壹所

叁年尚書劉體乾題 准自肆年為始除原派  
薊鎮倉糧船隻照舊外仍將臨清德州各水次  
應兌漕糧坐派昌密貳鎮以便北衛所軍船就  
近派兌工部就灣設廠本部委官揚收就與領  
運以免進倉出倉繁費其應用腳價盤剥米叁  
升共壹斗伍升通共原糧拾肆萬肆千捌拾叁  
石叁斗該扣米貳萬壹千陸百壹拾貳石零照



例每石伍錢行令有司徵銀壹萬捌百陸兩零  
隨糧徵解以備它運其不敷之數於開幫輕齎  
餘銀轉補每年叁月內差主事叁員壹員在廠  
監收貳員分理它運

陸年總督劉應節題

長陵等捌衛拱護

陵寢赴京關支不便查得鞏華城外原有舊河道  
東南壹百肆拾里達於通河用船轉運漕糧就  
近關支尚書王國光覆准自萬曆元年為始  
將鞏華城至通州一帶河道暫借永鞏貳營并

莫靖所軍士起時修理一應工費查得每年別  
衛官軍約該月糧拾伍萬石可省腳價叁千肆  
百餘兩額發漕糧肆萬石可省腳價肆千捌百  
餘兩就於當年節省腳價銀捌千內動支查將  
官軍本色月糧并漕糧俱由通河運至鞏華城  
莫靖倉收貯以便就近關支

本年總督劉應節題密雲城東西當潮白貳湖  
之衝剝船可達城下乞將通粟加撥伍萬石及  
造小船壹百隻以便輸輓尚書王國光覆

准自萬曆元年為始額派本鎮拾萬石外加撥伍萬

石從新修河道轉運船隻准於腳價民兵銀內各量動壹半成造

萬曆元年尚書王國光題鞏華城外舊河已經動支銀柒萬兩委官修河并添建倉廩去訖今河道未通乞容督撫速行處置刻期定報奉

聖旨這河運已有旨先行着該地方官疏濬通濟如再遲悞查叅來說欽此隨行督撫及委官楊可大設法疏濬

本年總督劉應節題昌密鎮新舊漕糧叁拾餘萬石水陸督運應設官責成乞將密鎮見委

把總薛論道昌鎮

長陵衛千戶顧尚義各授

欽依把總分理貳鎮督催濟河船修倉等項事務  
及稱順義知縣曹維新熟知地理水勢乞陞戶  
部主事專管它運貳鎮漕糧得專任責成之法  
尚書王國光覆 准

督運文武官

永樂拾陸年本部題 准差御史償運

拾柒年本部題 准差侍郎都御史催督糧運  
各部郎中員外差委分理

宣德肆年尚書夏元吉題 准差郎中償運

正統拾壹年尚書王佐題 准選差主事壹員前  
去各司府等處提督交兌

拾肆年都督同知武興奏留刑部郎中魚侃兌  
運糧儲問理刑名本部覆 准將本官存留常  
川管理事務

景泰元年本部題 准設淮安漕運都御史

伍年本部題 准令布按貳司官督理兌運

天順貳年尚書沈固題 准設漕運理刑主事

陸年本部題 准差本部右侍郎楊鼎儼運漕

糧

成化捌年兵部尚書商輅題尚書楊鼎議於本部  
并在京各衙門堂上見任官內請點差壹員奉  
勅前去沿河一帶設法催儼

弘治柒年尚書葉淇題 准照成化捌年事例差  
侍郎秦民悅會同漕運總督等官儼催糧儲

松貳年尚書周經題請

簡命大臣督饋漕運糧儲

拾叁年尚書周經題 准各省守巡道直隸各

府佐貳官督理糧運

拾伍年尚書侶鍾題 准行天津等處管倉部

官但遇糧船到彼即各照地方連接催償俱各

嚴限令其星夜前進

正德陸年尚書孫交題照先年事例於左右侍郎

內乞

欽命壹員償運

朱年尚書孫交題 准改委本部屬官肆員分  
往南直隸浙江江西湖廣地方監兌南直隸等  
肆處係南京戶部差因交兌稽遲後議通委本  
部司屬

拾壹年尚書石玠題 准監兌官兌完起程交  
接明白仍回原兌水次整理下年粒運候交代  
回京

拾伍年尚書楊潭題 准天津兵備副使帶管  
白河漕運

嘉靖貳拾柒年尚書夏邦謨題 准自次年為始



各該違限有司軍衛官員聽監之官會同御史  
查叅候本部分別係有司者行彼處巡按御史  
係軍衛者行漕運都御史發理刑主事各查照  
原叅提問

叅拾柒年尚書賈應春題 准自叅拾捌年為  
始各監光主事完日會同巡按照例查叅伍月  
以裏叅劾不到即將主事叅治降罰近限肆月  
內

叅拾捌年尚書馬坤題 准漕運都御史務要  
久任俟漕運修舉節年糧運無欠方許議題遷

轉

肆拾肆年尚書高耀題 淮南直隸浙江江西

湖廣等處監兌官照山東例各給關防壹顆

隆慶叁年都給事中嚴用和題尚書劉體乾覆

准兩浙巡鹽御史兼督浙江杭嘉湖叁府直隸蘇松

常鎮肆府糧務

光祿監官

肆年尚書張守直題 准徐州兵備每年糧船

過淮親詣桃源等處與各省糧儲叅政等官管

押糧船過洪入關限叁月以裏盡數過洪完日

呈報漕司具奏

本任左侍郎趙孔昭題議南京巡屯御史兼督  
應天太平寧國安慶池州伍府及廣德州糧務  
尚書張守直覆 准

伍年尚書張守直題 准差御史張憲翔僨運

御史情重  
自北始

本年都御史王宗沐題尚書張守直覆

准裁革參將設參政營員管押糧船到京及空船盡  
數回南方許回任

本年給事中侯于趙題尚書張守直覆

准兩淮巡鹽御史兼督廬鳳淮揚肆府及徐滁和參

州糧務

車監  
兌官

本年尚書張守直題 准以後奏報兌完過洪  
日期巡撫不得過貳月漕司不得過叁月河道  
不得過肆月如有司糧米船隻不完罪在巡撫  
若有司有糧軍衛無船并已到淮不即驗放有  
悞過洪原限罪坐漕司糧船依期前進河渠淺  
澁致有停阻罪坐河道

陸年都御史王宗沐會議上江等處設叅政壹  
員尚書王國光覆 准令新設徽寧池太兵備  
兼管糧務

本年尚書王國光題

准給備運司門牌

本年都御史王宗沐會議尚書王國光覆

准設立全單每幫各給全單壹紙備開官軍船隻水  
次米數及開支月糧并兌糧開幫各限期從實  
填註到淮赴漕司查驗仍編幫改限責令過洪  
到京送巡倉御史查比復照幫次坐委官員管  
押空船立限到淮拔銷

萬曆伍年尚書殷正茂題

准復差主事壹員往

蘇松常鎮監兌

陸年尚書張學顏題查得萬曆柒年漕糧改折

貳百萬石過淮止壹百貳拾萬石較之往年已  
減太半僨運御史督催自足濟事合無將本部  
僨運郎中停差壹年待全運年分應否照例復  
差臨時另議題 請其瓜儀貳處打造缺船捌  
百餘隻仍行僨運御史陳世寶兼督成造如有  
冒破侵費等弊指名叅究仍增入  
勅內以便行事奉

聖旨是溜糧改折應解的也着陳世寶一併催解侵  
欠遲誤的着查實叅奏欽此

柒年因蘇松等處運官交兌米色不類本部尚

書張學顏欽奉

明旨查叅蘇松監兌主事陳宣及議得督糧司府州縣官巡按巡鹽各御史并沿河兵備等官漕運都御史總兵各有徵兌督運盤驗之責俱當協衷體國共裨漕務等因奉

聖旨陳宣奉勅監兌循情容私姑照才力不及例降一級調外任今後漕糧收完之日着總督倉場官及巡倉御史通查各總有漕惡挽和等情除運官照例追賠問罪外其監兌并督運叅政有司官查各責任所在分別叅奏如粗惡不堪至三萬石以

上將總督漕運等官一併叅來究治欽此

本年戶科都給事中郝維喬題申飭漕規尚書張學顏覆議行僨運御史每年催押各運船抵灣駐劄通州候起糧到倉方行具疏舉劾奉

聖旨是欽此○致年復題差浙江監兌主事

文職上係

水樂貳年本部題准設總兵官副總兵官統領官軍海運

宣德拾年尚書郭敦題准令漕運總兵官捌月

赴京會議次年糧運

天順元年尚書沈固題准着總兵官兼理河道



本年尚書沈固題 准添叅將壹員協同督運  
成化玖年平江伯陳銳題尚書楊鼎覆

准今後運糧官員聽漕運衙門坐名調取不許擅自  
補換占留差操原運官員管求改換衛所官吏  
容情作弊一體治罪

弘治拾貳年尚書周經題 准每伍年會同兵部  
考察運官先令監覈僨運官將各衛所掌印并  
運糧官賢否逐年開送漕運都御史總兵官參  
年彙送以憑考察畧云兌運官依期完糧與見  
在掌印官更番以均勞逸若運官違限不完掌

印官考語下等俱令退斥掌印官遇更番推避者指揮降叁級衛鎮撫千戶降貳級所鎮撫百戶降壹級仍發運糧

正德玖年給事中葉相題尚書王瓊覆

准領運官員有貪賄科歛贓跡顯著者戶兵貳部會奏罷黜其漕運都御史及總兵官叅將除遲悞糧運及漂流數多等項本部照例叅劾外若有通同貪賄科歛贓跡顯著情弊聽科道官指實劾奏

嘉靖柒年總兵官楊宏題乞定考選運官叁年壹

次尚書鄒文盛覆會同兵部仍逐年考選罷奉  
聖旨是領運把總等官今年仍照例會官嚴加考選  
從公獎勸黜革今後叁年壹次以為定規庶免紛  
擾若考選之後訪有避難推託貪婪侵剋等項情  
弊聽漕運衙門各該巡按御史該監兌委官指實  
叅究提問使人知警戒况叅提必有實跡考察或  
憑毀譽前此考選進退賢否多至失真至今尚招  
物議豈可拘以為例其餘議處停當的都依擬欽  
此

拾肆年尚書梁材題

准行各該監兌主事將

各該運糧把總衛所等官賢否俱壹年壹次體  
察實跡開具揭帖於柒月以裏預送戶兵貳部  
案候待至叁年之期漕運都御史總兵官將各  
官賢否叁年得失事跡開具揭帖送戶兵貳部  
會考不得擅為紛更其各該運官如有科擾軍  
士侵費錢糧等項實跡悉聽漕運衙門本部監  
兌委官并巡按御史指實叅究黜罰不在叁年  
考察之限

叁拾柒年尚書賈應春題 准把總官必得諸  
練運務者方克有濟今後員缺查照漕司廵倉

論薦指揮千百戶內推陞叁年以上糧無掛欠  
擬陞署職仍舊領運叁年之上方許遷轉如有  
不職照例効罷

肆拾肆年御史張振之題尚書高耀覆

准各總衛所掌印官先期料理下年糧運不得規避  
延捱違者照避運事例叅治終身不許叙用其  
舊運官完掣通關即令掌印間有掛欠另選賢  
能掌印以備更番

隆慶元年都御史張瀚題尚書葛守禮覆

准把總員缺於屬衛見運賢能官內推補如遇叁年

考察之期漕運衙門先將各該把總千百戶指揮等官嚴加稽察分別上中下叁等開送戶兵貳部會考壹等者即備擢用貳等者仍在運叁等者罷黜更換內考列壹等運官不拘指揮千百戶遇有推調一體破格超擢其每年漕運及巡倉衙門舉劾仍照例施行

肆年尚書劉體乾題 准每年漕船起行都御史坐鎮淮安將移駐瓜儀總兵住徐州各分經理催督船糧

本年尚書劉體乾題 准給贖運把總關防

原缺

聖相承貳百年來建官飭法尤為明備

今上登極併河臣於漕臣責山東河南直隸撫臣督  
藩臬分司畫地修濬又歲遣御史往來巡察故  
肆百萬漕糧轉輸畧無少損今太倉見積至壹  
千伍百叁萬有奇視迨逾於王制玖年之蓄使  
受事諸臣遠近勤職上下協衷悉遵議例所載  
因事中嚴隨時振舉即

國脉萬世如一日也海運之策亦可以不議矣